


第八
東坡詩鈔

柳田文庫
文庫11
D 156
8



文獻
D156
8

東坡詩鈔

十七

蘇軾字子瞻一字和仲眉州眉山入嘉祐二年進士調
福昌主簿對制策入三等除大理評事簽書鳳翔府判
官入判登聞鼓院召試直史館丁父憂熙寧二年還朝
判官吉院權開封府推官出判杭州知密徐湖三州以
為詩謗訕逮赴臺獄謫黃州團練副使安置築室於東
坡自號東坡居士移常州哲宗立復朝奉郎知登州召
為禮部郎中遷起居舍人尋除翰林學士兼侍讀拜龍
圖閣學士出知杭州召為翰林承旨數月知穎州揚州
復召為兵部尚書兼侍讀改禮部兼端明殿翰林侍讀
兩學士出知定州紹聖初貶寧遠軍節度副使惠州安
置又貶瓊州別駕居儋耳徽宗立移舒州團練副使徙



東坡詩鈔



010190554100

48-12180

永州更三赦遂提舉玉局觀復朝奉郎建中靖國元年卒于常州年六十六南渡後贈太師謚文忠子瞻詩氣象洪濶鋪叙宛轉子美之後一人而已然用事太多不免失之豐縟雖其學問所益要亦洗削之功未盡也而世之訾宋詩者獨於子瞻不敢輕議以其習中有萬卷書耳不知子瞻所重不在此也加之梅溪之註鬪釘其間則子瞻之精神反為所掩故讀蘇詩者汰梅溪之註并汰其過於豐縟者然後有真蘇詩也

辛丑十一月十九日既與子由別於鄭州西門之外

馬上賦詩一篇寄之

不飲胡為醉兀兀此心已逐歸鞍發歸人猶自念庭闈今我何以慰寂寞登高回首坡隴隔惟見烏帽出復沒苦寒

念爾衣裘薄獨騎瘦馬踏殘月路人行歌居人樂僮僕怪我苦悽惻亦知人生要有別但恐歲月去飄忽寒燈相對記疇昔夜雨何時聽蕭瑟君知此意不可忘慎勿苦愛高官職嘗有夜雨對床之言故云爾

病中大雪數日未嘗起觀號令趙薦以詩相屬戲用

其韻答之

經旬卧齋閣終日親劑和不知雪已深但覺寒無奈飄蕭窓紙鳴堆壓簷板墮關中皆以板為簷風颺助凝冽幃幔困掀簸惟息近醇醪未敢窺璨瑳何時反炎赫却欲躬白磨誰云座無羶尚有裘充貨西鄰歌吹發促席寒威挫崩騰踏成逕繚繞飛入坐人歡瓦先融飲僞鏘屢卧嗟余獨愁寂空室自困坷欲為後日賞恐被遊塵灑寒更報新霽皎月懸

半破有客獨苦吟。清夜默自課詩人。例窮蹇秀句出寒餓。何當暴雪霜。庶以躡郊賀。

歲晚相與餽。問為餽歲酒。食相邀呼為別歲。至除夜達且。不眠為守歲。蜀之風俗如是。余官岐下。歲暮息歸而不可得。故為此三詩寄子由。

餽歲

農功各已收。歲事得相佐。為歡恐無具。假物不論貨。山川隨出產。貧富稱小大。真盤巨鯉橫。發籠雙兔卧。富人事華靡。綵繡光翻座。貧者餽不能。微擊出春磨。官居故人少。里巷佳節過。亦欲舉鄉風。獨倡無人和。

別歲

故人適千里。臨別尚遲遲。人行猶可復。歲行那可追。問歲

安所之。遠在天一涯。已逐東流水。赴海歸無時。東鄰酒初熟。西舍瓮亦肥。且為一日歡。慰此窮年悲。勿嗟舊歲別。行與新歲辭。去去勿回顧。還君老與衰。

守歲

欲知垂盡歲。有似赴壑蛇。脩鱗已半沒。去意誰能遮。况欲繫其尾。雖勤知奈何。兒童強不睡。相守夜譁譁。晨雞且勿鳴。更鼓畏添槌。坐久燈燼落。起看北斗斜。明年豈無年。心事恐蹉跎。努力盡今夕。少年猶可誇。

和子由踏青

春風陌上驚微塵。遊人初樂歲華新。人閑正好路旁飲。麥短未怕遊車輪。城中居人厭城郭。喧闐曉出空四鄰。歌鼓驚山草木動。簞瓢散野鳥鸞馴。何人聚眾稱道人。遮道賣

符色怒曠。宜蠶使汝蠶如甕。宜畜使汝羊如麇。路人未必信此語。強為買服釀新春。道人得錢徑沽酒。醉倒自謂吾符神。

和子由蠶市

蜀人衣服常苦艱。蜀人遊樂不知還。千人耕種萬人食。一年辛苦一春閑。閑時尚以蠶為市。其忘辛苦逐欣歡。去年霜降所秋收。今年積積如連山。破瓢為輪土為釜。爭買不翅金與執。憶昔與子皆童外。年年廢書走市觀。市人爭誇鬪巧智。野人喑啞遭欺謾。詩來使我感舊事。不悲去國悲流年。

和子由論書

吾雖不善書。曉書莫如我。苟能通六意。常謂不學可。貌妍

容有顰。壁美何妨櫛。端莊雜流。剛健含婀娜。好之每自譏。不謂子亦頗。書成輒棄去。繆被旁人裹。體勢本濶畧。結束入細磨。子詩亦見推。語重未敢荷。邇來又學射。力薄愁官箴。官箴十二把。吾能十一把。箭耳。多好竟無成。不精安用夥。何當盡屏去。萬事付懶惰。吾聞古書法。守駿莫如跛。世俗筆苦驕。泉中強鬼馱。鍾張忽已遠。此語與時左。

和子由寒食

寒食今年二月晦。樹林深翠已生煙。遶城駿馬誰能借。到處名園意盡便。但挂酒壺那計盃。偶題詩句不須編。忽聞啼鴉驚羈旅。江上何人治廢田。

石鼓

冬十二月歲辛丑。我初從政見魯叟。舊聞石鼓今見之。文

字鬱律蛟蛇走。細觀初以指畫肚。欲讀嗟如籍在口。韓公好古生已遲。我今况又百年後。強尋偏旁推點畫。時得一二遺八九。我車既攻馬亦同。其魚維鱗貫之柳。真詞云我馬既同又云其魚維何維鱗維鱗何以貫之惟揚與柳惟此六句可讀餘多不可通古器縱橫猶識鼎。眾星錯落僅名斗。模糊半已似。臆胝詰曲猶能辨跟肘。娟娟缺月隱雲霧。濯濯嘉禾秀莨莠。漂流百戰偶然存。獨立千載誰與友。上追軒頡相唯諾。下揖水斯同。殷殷憶昔周宣歌鴻雁。當時籀史變蝌蚪。厭亂人方思聖賢。中興天為生耆耆。東征徐闕虓虎北伏。隨指噉象骨雜沓。貢狼鹿方邵聯翩。賜圭卣遂因鼓聲息將帥。豈為考擊煩矇眛。何人作頌比崧高。萬古斯文齊响嘯。動勞至大不矜伐。文武未遠猶忠厚。欲尋年歲無甲乙。豈有名字記誰某。

自從周衰更七國。竟使秦人有九有。掃除詩書誦法律。投棄俎豆陳鞭杻。當年何人佐祖龍。上蔡公子牽黃狗。登山刻石頌功烈。後者無繼前無偶。皆云皇帝巡四國。烹滅強暴救黔首。六經既已委灰塵。此鼓亦當遭擊剖。傳聞九鼎淪泗上。欲使萬夫沉水取。暴君縱欲窮人力。神物義不汙秦垢。是時石鼓何處避。無乃天公令鬼守。興亡百變物自開。富貴一朝名不朽。細息物理多歎息。人生安得如汝壽。
王維吳道子畫
何處訪吳畫。普門與開元。開元有東塔。摩詰留手痕。吾觀畫品中。莫如二子尊。道子實雄放。浩如海波翻。當其下手風雨快。筆所未到氣已吞。亭亭雙林間。彩暈扶桑暎。中有至人談寂滅。悟者悲涕迷者手自捫。蠻君鬼伯千萬萬。相

掛鏡進頭如龜。摩詰本詩老。佩芷襲芳蓀。今觀此壁畫。亦若其詩清且敦。祇園弟子盡鶴骨。心如死灰不復溫。門前雨叢竹。雪節貫霜根。交柯亂葉動無數。一一皆可尋其源。吳生雖妙絕。猶以畫工論。摩詰得之於象外。有如仙。翻謝籠樊。吾觀二子皆神俊。又於維也歛衽無間言。

東湖

吾家蜀江上。江水綠如藍。爾來走塵土。意思殊不堪。况當岐山下。風物尤可慙。有山秃如赭。有水濁如泔。不謂郡城東。數步見湖潭。入門便清奧。恍如夢西南。泉源從高來。隨波走涵涵。東去觸重阜。盡為湖所貪。但見蒼石蟻。開口吐清甘。借汝腹中過。胡為目眈眈。新荷弄晚涼。輕棹極幽探。飄風忘遠近。偃息遺佩簪。深有龜與魚。淺有螺與蚌。曝晴

復戲雨。戢戢多於蠶。浮沉無得餌。倏忽遽滿籃。絲繆雖強

致瑣細。安足戡。聞昔周道興。翠鳳棲孤嵐。飛鳴飲此水。照

影弄毳毼。此古飲鳳池也。至今多梧桐。合抱如彭聃。綵羽無復見。

上有鷓鴣。嗟予生雖晚。考古意所媿。圖書已漫漶。猶復

訪僑郟。卷阿詩可繼。此意久已會。扶風古三輔。政事豈汝

諳。聊為湖上飲。一縱醉後談。門前遠行客。劫劫無留驂。問

胡不回首。無乃趁朝參。予今正疎懶。官長幸見函。不辭日

遊再行。恐歲滿三。暮歸還倒載。鐘鼓已餘鼙。音籍

李氏園 李茂正園也。余嘗與民所看。

朝遊北城東。回首見脩竹。下有漆門家。破墻圍古屋。舉鞭叩其戶。幽響答空谷。入門所見夥。十步九移目。異花兼四方。野鳥喧百族。其西引溪水。活活轉墻曲。東注入深林。林

東坡詩集
深窓戶綠。水光兼竹淨。時有獨立鶴。林中百尺松。歲久蒼
鱗感。豈惟此地少。意恐關中獨。小橋過南浦。夾道多喬木。
隱如城百雉。挺若舟千斛。陰陰日光淡。黯黯秋氣蓄。盡東
爲方池。野雁雜家鶩。紅梨驚合抱。映鳥孤雲馥。春光水溶
漾。雪陣風翻撲。其北臨長溪。波聲捲平陸。北山卧可見。蒼
翠間磽秃。我時來周覽。問此誰所築。云昔李將軍。負嶮乘
衰叔。抽錢算開口。但未椎羹粥。當時奪民田。失業安敢哭。
誰家美園圃。籍沒不容贖。此亭破千家。鬱鬱城之麓。將軍
竟何事。蟻蝨生刀韜。何嘗載夫酒。來此駐車轍。空使後世
人。聞名頭猶縮。俗猶呼皇后廟。蓋我今官正開。屢至因休
沐。人生營居止。竟爲何人卜。何當辦一身。永與清景逐。

秦穆公墓

秦穆公墓在城東。墓在城中無百步。乃知昔未有此城。秦人以
泉識公墓。昔公生不誅孟明。豈有死之日而忍用其良。乃
知三子徇公意。亦如齊之二子從田橫。古人感一飯尚能
殺其身。今人不復見此等。乃以所見疑古人。古人不可追。
今人益可傷。

七月二十四日。以久不雨。出禱礮溪。是日宿號縣。二
十五日晚。自號縣渡渭。宿於僧舍。曾閣閣故曾氏
所建也。夜久不寐。見壁有前縣令趙薦留名。有懷
其人。

龕燈明滅欲三更。欹枕無人夢自驚。深谷留風終夜響。亂
山銜月半牀明。故人漸遠無消息。古寺空來有姓名。欲向
礮溪問姜叟。僕夫屢報斗杓傾。

和子由記園中草木四首

煌煌帝王都赫赫走羣彥嗟汝獨何為閉門觀物變微物
豈足觀汝獨觀不劾牽牛與葵蓼採摘入詩卷吾聞東山
傅置酒攜嫵婉富貴未能忘聲色聊自遣汝今又不然時
節看瓜蔓懷寶自足珍藝蘭那計畹吾歸於汝處慎勿嗟
歲晚

荒園無數畝草木動成林春陽一已敷妍醜各自矜蒲荀
雖滿架困倒不能任可憐病石榴花如破紅襟葵花雖粲
粲帶淺不勝簪叢蓼晚可喜輕紅隨秋深物生感時節此
理等廢興飄零不自由盛亦非汝能
萱草雖微花孤秀自能拔亭亭亂葉中一一芳心插牽牛
獨何畏詰曲日牙蘂走尋荆與榛如有宿昔約南齋讀書

處清翠曉如潑偏工貯秋雨歲歲壞籬落

我歸自南山山翠猶在目心隨白雲去夢繞山之麓汝從
何方來笑齒粲如玉探懷出新詩秀語奪山綠覺來已茫
昧但記說秋菊有如採樵子入洞聽琴筑歸來寫遺聲猶
勝人間曲八月十一日夜宿府學方和此詩夢與弟游南
山出詩數十篇夢中甚愛之及覺唯記一句云
蟋蟀悲秋菊

北寺

唐初傳有此亂後不留碑畏虎關門早無村得米遲山泉
自入甕野桂不勝炊信美那能久應先學忍飢

其上

自仙遊回至黑冰見居民姚氏山亭高絕可愛復憇
山鷓曉辭谷似報遊人起出門猶屢顧慘若去吾里道途

險且迂。繼此復能幾。溪邊有危構。歸駕聊復柅。愛此山中
人。縹渺如仙子。平生慕獨往。官魯同一履。胡爲此谿邊。眷
眷若有埃。國恩久未報。念此慙且泚。臨風浩悲吒。萬世同
一軌。何年謝簪紱。丹砂留込唇。

竹飈

野人獻竹飈。腰腹大如盎。自言道旁得。採不費置問。嗚夷
讓圓滑。混沌慙瘦爽。兩牙雖有餘。四足僅能髡。逢人自驚
蹶。悶若兒脫襁。念茲微陋質。刀几安足枉。就禽太倉卒。羞
愧不能饗。南山有孤熊。擇獸行舐掌。

漢陂魚

陂在鄆縣

霜筠細破爲雙掩。中有長魚如卧劍。紫荇穿腮氣慘悽。紅
鱗照坐光磨閃。攜來雖遠鬣尚動。烹不待熟指先染。坐客

相看爲解顏。香粳飽送如填塹。早歲嘗爲荆渚客。黃魚屢
食沙頭店。濱江易採不復珍。盈尺輒棄無乃僭。自從西征
復何有。欲致南京嗟久欠。游儻瑣細空自醒。亂骨縱橫動
遭礙。故人遠餽何以報。客俎久空驚忽贍。東道無辭信使
頻。西鄰幸有庖虀醢。

十二月十四日夜微雪明日早往南谿小酌至晚

南谿得雪真無價。走馬來看及未消。獨自披榛尋履迹。最
先犯曉過朱橋。誰憐破屋眠無處。坐覺村飢語不驚。惟有
暮鴉知客意。驚飛千片落寒條。

九月中曾題小詩於南溪竹上既而忘之昨日再遊

見而錄之

湖上蕭蕭疎雨過。山頭靄靄暮雲橫。陂塘水落荷將盡。城

市人歸虎欲行

司竹監燒葦園因召都巡檢柴監焉取以其徒會

獵園下

官園刈葦歲留槎。深冬放火如紅霞。枯槎燒盡有根在。春
雨一洗皆萌芽。黃狐老兔最狡捷。賣侮百獸常矜誇。年年
此厄竟不悟。但愛蒙密爭來家。風迴焰捲毛尾熱。欲出已
被蒼鷹遮。野人來言此最樂。徒手曉出歸滿車。巡邊將軍
在近邑。呼來颯颯從矛叉。戍兵久閑可小試。戰鼓雖凍猶
堪槌。雄心欲搏南澗虎。陣勢頗學常山蛇。霜乾火烈聲爆
野。飛走無路號且呀。迎人截來若逢箭。過火逸去窮投罝。
擊鮮走馬殊未厭。但恐落日催棲鴉。弊旗什鼓坐數獲。鞍
挂雉兔肩分鷹。主人置酒聚狂客。紛紛醉語晚更譁。燎毛

燔肉不暇割。飲啗直欲追羲媧。青丘重慶有麋鹿。與此何
啻百倍加。苦遭諫疏說夷羿。又被賦客嘲淫奢。譬如閑官
走山邑。放曠不與趨朝衙。農工已畢盡公。農公雖少賓
殊佳。酒酣上馬去不告。獵獵霜風吹帽斜。

和子由木山引水

蜀江久不見滄浪。江上枯槎遠可將。去蜀尚能三犢載。汲
泉何愛一夫忙。崎嶇好事人應笑。冷淡無歡意云長。遙想
納涼清夜永。窓前微月照汪洋。

和董傳留別

麤繒大布裹生涯。腹有詩書氣自華。厭公老儒烹瓠葉。強
隨舉子踏槐花。囊空不辦尋春馬。眼亂行看擇瘠車。得意
猶堪誇世俗。詔黃新濕字如鴉。

蘇軾次韻子由綠筠堂

愛竹能延客。求詩剩挂牆。風梢千蠹亂。月影萬夫長。谷鳥驚。碁。響。山。蜂。識。酒。香。只應陶靖節。會聽北窓涼。

送錢藻出守婺州得英字

老手便劇郡。高懷厭承明。聊紆東陽綬。一濯滄浪纓。東陽佳山水。未到意已清。過家父老喜。出郭壺漿迎。子行得所願。愴恨居者情。吾君方急賢。日旰坐廼黃。黃金招樂毅。白璧賜虞卿。子不少自貶。陳義空崢嶸。古籍為郡樂。漸恐煩敲榜。臨分敢不盡。醉語醒還驚。

送劉道原歸觀南康

晏嬰不滿六尺長。高節萬仞陵。首陽青衫白髮不自歎。富貴在天那得忙。十年閉戶樂幽獨。百金購書收散亡。竭來

東觀弄丹墨。聊借舊史誅姦強。孔融不肯下曹操。汲黯本自輕張湯。雖無尺箠與寸刃。口吻排擊含風霜。自言靜中閱世俗。有似不飲觀酒狂。衣巾狼藉又屢舞。傍人大笑供手場。交朋翩翩去畧盡。惟我與子猶徬徨。世人共棄君獨厚。豈敢自愛恐子傷。朝來告別驚何速。歸意已逐征鴻翔。匡廬先生古君子。挂冠兩紀鬢未蒼。定將文度置膝上。喜動鄰里烹猪羊。君歸為我道姓字。幅巾他日容登堂。

傅堯俞濟源草堂

微官共有田園興。老罷方尋隱退廬。栽種成陰十年事。倉皇求買萬金無。先生卜築臨清濟。喬木如今似畫圖。鄰里亦知偏愛竹。春來相與護龍雛。賦。和。柳。子。玉。過。陳。絕。糧。次。韻。

如我自觀猶可厭。非君誰復肯相尋。圖書跌宕悲年老。燈火青熒語夜深。早歲便懷齊物意。微官敢有濟時心。南行十里成何事。一聽秋濤萬鼓音。

泗州僧伽塔

我昔南行舟繫汴。逆風三日沙吹面。舟人共勸禱靈塔。香火未收旗脚轉。回頭頃刻失長橋。却到龜山未朝飯。至人無心何厚薄。我自懷私欣所便。耕田欲雨刈欲晴。去得順風來者怨。若使人人禱輒遂。造物應須日千變。我今身世兩悠悠。去無所逐來無戀。得行固願留不惡。每到有求神亦倦。退之舊云三百尺。澄觀所營今已換。不嫌俗士汗丹梯。一看雲山遠淮甸。

龜山

我生飄蕩去何求。再過龜山歲五周。身行萬里半天下。僧卧一庵初白頭。地隔中原勞北望。潮連滄海欲東遊。元嘉舊事無人記。故壘摧頽今在不。宋文帝遣將拒魏太武築城此山

十月十六日記所見

風高月暗水雲黃。淮陰夜發朝山陽。山陽曉霧如細雨。炯炯初日寒無光。雲收霧卷已亭午。有風北來寒欲僵。忽驚飛雹穿戶牖。迅駛不復容遮防。市人顛沛百賈亂。疾雷一聲如頽墻。使君來呼晚置酒。坐定已復日照廊。恍疑所見皆夢寐。百種變怪旋消亡。共言蛟龍厭舊穴。魚鼈隨徙空陂塘。愚儒無知守章句。論說黑白推何祥。惟有主人言可用。天寒欲雪飲此觴。

遊金山寺

我家江水初發源。宦遊直送江入海。聞道潮頭一丈高。天
寒尚有沙痕在。中令南畔石盤陀。古來出沒隨濤波。試登
絕頂望鄉國。江南江北青山多。羈愁畏晚尋歸楫。山僧苦
留看落日。微風萬頃靴文細。斷霞半空魚尾赤。是時江月
初生魄。二更月落天深黑。江心似有炬火明。飛焰照山棲
鳥驚。悵然歸卧心莫識。非鬼非人竟何物。江山如此不歸
山。江神見怪驚我頑。我謝江神豈得已。有田不歸如江水。
是夜所見如此

自金山放船至焦山

金山樓觀何眈眈。撞鐘擊鼓聞淮南。焦山何有有脩竹。採
薪汲水僧兩三。雲霾浪打人迹絕。時有沙戶祈春蠶。我來
金山更留宿。而此不到心懷慙。同遊盡返決獨往。賦命窮

薄輕江潭。清晨無風浪自湧。中流歌嘯倚半酣。老僧下山
驚客至。迎笑喜作巴人談。自言久客忘鄉井。只有彌勒為
同龕。困眠得就紙帳暖。飽食未厭山蔬甘。山林飢卧古亦
有。無田不退寧非貪。展禽雖未三見黜。叔夜自知七不堪。
行當投劾謝簪組。為我佳處留茆庵。吳人謂水中可田者為沙。焦山長老中江人也。

次韻子由柳湖感物

憶昔子美在東屯。數間茆屋蒼山根。朝吟草木調蠻獠。欲
與猿鳥爭啾喧。子今憔悴衆所棄。驅馬獨出無往還。惟有
柳湖萬株柳。清陰與子俱朝昏。胡為譏評不少借。生意凌
挫難為繁。柳雖無言不解慍。世俗乍見應憮然。嬌姿其愛
春濯濯。豈問空腹脩蛇蟠。朝看濃翠傲炎赫。夜愛疎影搖

清圓風翻雪陣春絮亂。盡響啄木秋聲堅。四時盛衰各有態。搖落淒愴驚寒溫。南山孤松積雪底。抱凍不死誰復賢。

戲子由

宛丘先生長如丘。宛丘學舍小如舟。常時低頭誦經史。忽然欠伸屋打頭。斜風吹帷雨注面。先生不愧傍人羞。任從飽死笑方朔。肯爲雨立求秦優。眼前勃磈何足道。處置六鑿須天遊。讀書萬卷不讀律。致君堯舜知無術。勸農冠蓋闊如雲。送老鹽齏甘似蜜。門前萬事不挂眼。頭雖長低氣不屈。餘杭別駕無功勞。畫堂五丈容旂旄。重樓跨空雨聲遠。屋多人少風騷騷。平生所慙今不耻。坐對疲氓更鞭箠。道逢揚虎呼與言。心知其非口諾唯。居高志下真何益。氣節消縮今無幾。文章小技安足程。先生別駕舊齊名。如今衰老俱無用。付與時人分重輕。

吉祥寺賞牡丹

人老簪花不自羞。花應羞上老人頭。醉歸扶路人應笑。十里珠簾半上鉤。

六月二十七日望湖樓醉書

黑雲翻墨未遮山。白雨跳珠亂入船。卷地風來忽吹散。望湖樓下水如天。

放生魚鱉逐人來。無主荷花到處開。水枕能令山俯仰。風船解與月裴回。

烏菱白芡不論錢。亂繫青菰裹綠盤。忽憶嘗新會靈觀。滯留江海得加餐。

獻花游女木蘭橈。細雨斜風濕翠翹。無限芳洲生杜若。吳

見不識楚詞招

未成小隱聊中隱。可得長閑勝暫閑。我本無家更安往。故鄉無此好湖山。

夜泛西湖二絕

蒼龍已沒牛斗橫。東方芒角昇長庚。漁人收筒及未曉。船過惟有菰蒲聲。

湖上禁魚皆盜釣者也

湖光非鬼亦非仙。風恬浪靜光滿川。須臾兩兩入寺去。就視不見空茫然。

監試呈諸試官

我本山中人。寒苦益寸廩。文詞雖少作。勉強非天稟。既得旋廢忘。懶惰今十稔。麻衣如再著。墨水真可飲。每聞科詔下。白汗如流瀋。此邦東岳會。多士敢題品。芻蕘盡蘭蓀。香

不數葵菘。貧家見珠貝。眩晃自難審。緬懷嘉祐初。文格變已甚。千金碎全璧。百衲收寸錦。調和椒桂醢。咀嚼沙礫礮。廣眉成半額。學步歸蹕蹕。維時老宗伯。氣壓羣兒凜。蛟龍不世出。魚鮪初驚滄。至音久乃信。知味猶食楛。至今天下士。微管幾左衽。謂當千載後。石室祠高朕。爾來又一變。此學初誰論。權衡破舊法。芻豢笑凡飪。高言追衛樂。篆刻鄙曹沈。先生周孔出。弟子淵騫寢。却顧老鈍軀。頑朴謝鐫銀。諸君況才傑。容我懶且噤。聊欲廢書眠。秋濤誼午枕。

望海樓晚景二絕

海上濤頭一線來。樓前相顧雪成堆。從今潮上君須上。更看銀山二十回。

青山斷處塔層層。隔岸人家喚欲膺。江上秋風晚來急。爲

傳鐘鼓到西興

試院煎茶

蟹眼已過魚眼生。颼颼欲作松風鳴。蒙茸出磨細珠落。眩
 轉遶甌飛雪輕。銀瓶瀉湯誇第二。未識古人煎水意。古語云煎
 水不煎茶。君不見昔時李生好客手。自煎貴從活火發新泉。又
 不見今時潞公煎茶學西蜀。定州花瓷琢紅玉。我今貧病
 長苦飢。分無玉盃捧娥眉。且學公家作茗飲。搏爐石銚行
 相隨。不用撐腸拄腹文字五千卷。但願一甌常及睡足日
 高時。

孫莘老求墨妙亭詩

蘭亭繭紙入昭陵。世間遺迹猶龍騰。顏公變法出新意。細
 筋入骨如秋鷹。徐家父子亦秀絕。字外出力中藏稜。嶧山
 傳刻典刑在。千載筆法留陽冰。杜陵評書貴瘦硬。此論未
 公吾不憑。短長肥瘠各有態。玉環飛燕誰敢憎。吳興太守
 真好古。購買斷缺揮縑繒。龜趺入座螭隱壁。空齋書靜開
 登登。奇蹤散出走吳越。勝事傳說誇友朋。書來乞詩要自
 寫。為把栗尾書谿藤。後來視今猶視昔。過眼百世如風燈。
 他年劉郎憶賀監。還道同時須伏膺。

是日宿水陸寺寄北山清順僧二首

草沒河堤雨暗村。寺藏脩竹不知門。拾薪煮藥憐僧病。掃
 地燒香淨客魂。農事未休侵小雪。佛燈初上報黃昏。年來
 漸識幽居味。息與高人對榻論。
 長嫌鐘鼓聒湖山。此境蕭條却自然。乞食遶村真為飽。無
 言對客本非禪。披榛覓路衝泥入。洗足關門聽雨眠。遙想

後身窮賈島。夜寒應聳作詩肩。

將之湖州戲贈莘老

餘杭自是山水窟。不聞吳興更清絕。湖中橘林新著霜。溪上茗花正浮雪。顧渚茶芽白於齒。梅溪木瓜紅勝頰。吳兒鱸縷薄欲飛。未去先說饑涎垂。亦知謝公到郡久。應怪杜牧尋春遲。髣髴只好對禪榻。湖亭不用張水嬉。

鴉種麥行

霜林老鴉閑無用。畦東拾麥畦西種。畦西種得青猗猗。畦東已作牛毛稀。明年麥熟芒攢纒。農夫未食鴉先啄。徐行俛仰若自矜。鼓翅跳踉上牛角。憶昔舜耕歷山身爲耜。如今老鴉種麥更辛勤。農夫羅拜鴉飛起。勸農使者來行水。和致仕張郎中春書

投綬歸來萬事輕。消磨未盡祇風情。舊因尊菜求長假。新爲楊枝作短行。不禱自安緣壽骨。苦藏難沒是詩名。淺斟盃酒紅生頰。細琢歌詞穩稱聲。蝸殼卜居心自放。蠅頭寫字眼能明。盛衰閱過君應笑。寵辱年來我亦平。跪履數從圯下老。逸書閑問濟南生。東風屈指無多日。祇恐先春鶻鵲鳴。

冬至日獨遊吉祥寺

井底微陽回未回。蕭蕭寒雨濕枯荑。何人更似蘇夫子。不是花時肯獨來。

吳中田婦歎 和賈夔

今年粳稻熟苦遲。庶見霜風來幾時。霜風來時雨如瀉。杷頭出菌鎌生衣。眼枯淚盡雨不盡。忍見黃穗卧青泥。茆苦

一月壠上宿。天晴獲稻。隨車歸。汗流肩頰。載入市。價賤乞
與如糠粃。賣牛納稅。折屋炊。慮淺不及明年。飢官今要錢
不要米。西北萬里招羗兒。糞黃滿朝人更苦。不如却作河
伯婦。

遊道場山何山

道場山頂何山麓。上徹雲峰下幽谷。我從山水窟中來。尚
愛此山看不足。陂湖行盡白漫漫。青山忽作龍蛇盤。山高
無風松自響。誤認石齒號驚湍。山僧不放山泉出。屋底清
池照瑤席。堦前合抱香入雲。月裏仙人親手植。出山回望
翠雲鬟。碧瓦朱欄縹緲間。白水田頭問行路。小溪深處是
何山。高人讀書夜達旦。至今山鶴鳴夜半。我今廢學不歸
山。山中對酒空三歎。

贈莘老

嗟余與子久離羣。耳冷心灰百不聞。若對青山談世事。當
須舉白便浮君。

天目山前淥浸裾。碧闌堂下看銜鱸。作堤捍水非吾事。閉
送茗溪入太湖。

夜來雨洗碧嶺。浪湧雲屯。遶郭寒。聞有弁山何處是。爲
君四面竟求看。

夜橋燈火照溪明。欲放扁舟取次行。斲借官奴遣吹笛。明
朝新月到三更。

三年京國厭藜蒿。長羨淮魚壓楚糟。今日駱駝橋下泊。恣
看脩網出銀刀。

秀州報本禪院鄉僧文長老方丈

東坡詩抄

十一

萬里家山一夢中。吳音漸已變兒童。每逢蜀叟談終日，便覺峨眉翠掃空。師已忘言真有道，我除搜句百無功。明年采藥天台去，更欲題詩滿浙東。

宋叔達家聽琵琶

數絃已品龍香撥，半面猶遮鳳尾槽。新曲翻從玉連瑣，舊聲終愛鬱輪袍。夢回只記歸舟字，賦罷雙垂紫錦絛。何異烏孫送公主，碧天無際雁行高。

法惠寺橫翠閣

朝見吳山橫，暮見吳山縱。吳山故多態，轉側爲君容。幽人起朱閣，空洞更無物。惟有千步岡，東西作簾額。春來故國歸無期，人言悲秋春更悲。已泛平湖息濯錦，更看橫翠憶娥眉。凋欄能得幾時好，不獨憑欄人易老。百年興廢更堪

哀。聽知草莽化池臺，游人尋我舊游處。但覓吳山橫處來。

有以官法酒見餉者，因用前韻求述古爲移厨飲湖

上。

喜逢門外白衣人，欲贈湖中赤玉鱗。遊舫已粧吳榜穩，舞衫初試越羅新。欲將魚釣追黃帽，未要靴刀抹絳巾。芳意十分強半在，爲君先踏水邊春。

飲湖上初晴後雨二首

朝曦迎客艷重岡，晚雨留人入醉鄉。此意目佳君不會，一盃當屬水仙王。湖上有水仙王廟。

水光瀲灩晴方好，山色空濛雨亦奇。欲把西湖比西子，淡粧濃抹總相宜。

風水洞和李節推

東坡詩集 卷之九
風轉鳴空穴。泉幽瀉石門。虛心聞地籟。妄意覓桃源。過客詩難好。居僧語不繁。歸餅得水雪。清冷慰文園。

新城道中

東風知我欲山行。吹斷簷間積雨聲。嶺上晴雲披絮帽。樹頭初日挂銅鉦。野桃含笑竹籬短。溪柳自搖沙水清。西崦人家應最樂。煮芹燒筍餉春耕。

山村

煙雨濛濛雞犬聲。有生何處不安生。但教黃犢無人佩。布穀何勞也勸耕。

老翁七十自腰鎌。慙愧春山笈蔗甜。豈是聞韶解忘味。爾來三月食無鹽。

杖藜裹飯去匆匆。過眼青錢轉手空。贏得兒童語音好。

年強半在城中

贈別

青鳥銜巾久欲飛。黃鸞別主更悲啼。慙慙莫忘分攜處。湖水東邊鳳嶺西。

於潛女

青裙縞袂於潛女。兩足如霜不穿屨。簷沙鬢髮絲穿杼。蓬沓障前走風雨。老滷官粧傳父祖。至今遺民悲故主。茗溪楊柳初飛絮。照溪畫眉渡溪去。逢郎樵歸相媚嫵。不信姬姜有齊魯。

僧清順新作垂雲亭

江山雖有餘。亭榭苦難穩。登臨不得要。萬象各偃蹇。惜哉垂雲軒。此地得何晚。天功爭向背。詩眼巧增損。路窮朱欄

出山破石壁。狼海門浸坤軸。湖尾抱雲巘。葱蔥城郭麗。淡
淡煙村遠。紛紛鳥鵲去。一一漁樵返。雄觀快新獲。微景收
昔遁。道人真古人。嘯吟慕嵇阮。空齋卧蒲褐。芒屨每自捆。
天憐詩人窮。乞與供詩本。我詩久不作。荒澁旋鉏墾。從君
覓佳句。咀嚼廢朝飯。

會客有美堂。周郊長官與數僧同泛湖。往北山湖中。

聞堂上歌笑聲。以詩見寄。因和。

載酒無人過。子雲掩關晝。卧客書裙。歌喉不共聽。珠貫醉
面何因作。纈紋僧侶且。陪香火社。詩壇欲斂。鶴鵝軍。憑君
徧遶湖邊寺。漲淥晴來已十分。

追和子由去歲試舉人洛下所寄詩。暴雨初晴樓上

晚景

秋後風光雨後山。滿城流水碧潺潺。煙雲好處無多子。及
取昏鴉未到間。

洛邑從來天地中。嵩高蒼翠北邙紅。風流耆舊消磨盡。只

有青山對病翁。謂富公也

白汗翻漿午景前。雨餘風物便蕭然。應須半熟鵝黃酒。照

見新晴水碧天。

病中遊祖塔院

紫李黃瓜村路香。身紗白葛道衣涼。閉門野寺松陰轉。欵

枕風軒客夢長。因病得閑殊不惡。安心是藥更無方。道人

不惜階前水。肯與匏樽自在嘗。

與述古。日有美堂。乘月夜歸。

娟娟雲月稍。軒激激星河半。隱山魚鑰未收。清夜永。鳳

簫猶在翠微。使君能鼓樂。人爭看火城還。人爭看火城還。其人爭看火城還。

八月十五日看潮

萬人鼓噪。吳儂猶似浮江老阿童。欲識潮頭高幾許。越山渾在浪花中。

宿九仙山九仙謂左元放許邁王謝之流

風流王謝古仙真。一去空山五百春。玉室金堂餘漢土。桃花流水失秦人。困眠一榻香凝帳。夢遶千巖冷逼身。夜半老僧呼客起。雲峰缺處湧冰輪。

初自涇山歸述古召飲介亭以病先起

西風初作十分涼。喜見新橙透甲香。遲暮賞心驚節物。登臨病眼怯秋光。慣眠處士雲庵裏。倦醉佳人錦瑟旁。猶有

夢迴清興在。卧聞歸路樂聲長。

九日彙臻閣梨遂泛小舟至懃師院

湖上青山翠作堆。葱葱鬱鬱氣佳哉。笙歌叢裏抽身出。雲水光中洗眼來。白足赤髭迎我笑。拒霜黃菊為誰開。明年桑苧煎茶處。憶著衰翁首重迴。皎然有九日與陸羽煎茶詩羽自號桑苧翁余來年九日去此久矣

次韻述古過周長官夜飲

二更鏡鼓和諸鄰。百首新詩開八珍。已遣亂蛙成兩部。更邀明月作三人。雲煙湖寺家家鏡。燈火沙河夜夜春。曷不勸公勤秉燭。老來光景似奔輪。

述古詩見責屢不赴會復次前韻

我生孤癖無鄰。老病年來益自珍。肯對紅裙辭白酒。但

愁新進笑時
人北山怨鶴休驚夜南畝中車欲及春多謝
清詩屢推
豨膏那解轉方輪來詩有雲霄滿輪之句

書雙
湛師房

暮鼓朝鐘
擊撞閉門孤枕對殘缸白灰旋撥通紅火卧
聽蕭蕭雪
窓

和錢
道寄惠建茶

我官于南今幾時嘗盡溪茶與山茗胸中似記故人面口
不能言心自省為君細說我未暇試評其畧差可聽建溪
所產雖不同一一天與君子性森然可愛不可慢骨清肉
膩和且正花雨脚何足道啜過始知真味永縱復苦硬
終可錄汲黯少恣寬僥猛草茶無賴空有名高者妖邪次
頑曠體輕雖復強浮泛性滯偏工嘔酸冷其間絕品豈不

佳張禹縱賢非骨鯁蔡花玉鞞不易致道路幽嶮隔雲嶺
誰知使者來自西開緘磊落收百餅嗅香嚼味本非別透
紙自覺光炯炯批糠團鳳友小龍奴隸日注臣雙井收藏
愛惜待佳客不敢包裹鑽權倖此詩有味君勿傳空使時
人怒生癭

和柳子玉喜雪次韻仍呈述古

詩翁愛酒長如渴餅盡欲沽囊已竭燈青火冷不成眠一
夜撚鬚吟喜雪詩成就我寬歡處我窮正與君髣髴苟不
走投陳孟公有酒醉君仍飽德瓊瑤欲盡天應惜更遣清
光續殘月安得佳人擢素手笑捧玉盃兩奇絕豔歌一曲
迴陽春坐使高堂生暖熱

夜至永樂文長老院文時卧病退院

東坡詩集
愁聞巴叟卧荒村。來打三更月下門。往事過年如昨日。此生未死得重論。老非懷土情相得。病不開堂道益尊。惟有孤栖舊時鶴。舉頭見客似長言。

除夜野宿常州城外二首

行歌野哭兩堪悲。遠火低星漸向微。病眼不眠非守歲。鄉音無伴苦思歸。重衾脚冷知霜重。新沐頭輕感髮稀。多謝殘燈不嫌客。孤舟一夜許相依。
南來三見歲云徂。直恐終身走道塗。老去怕看新曆日。退歸擬學舊桃符。煙花已作青春意。霜雪偏尋病客鬚。但把窮愁博長健。不辭最後飲屠蘇。

常潤道中有懷錢塘寄述古

草長江南鬻亂飛。年來事事與心違。花開後院還空落。燕

入華堂怪未歸。世上功名何得是。樽前點檢幾人非。去年

柳絮飛時節。記得金籠放雪衣。

杭人以放鶴爲太守壽

浮玉山頭日日風。

即金山也

湧金門外已春融。二年魚鳥渾相

識。三月鶯花付與公。剩看新翻眉倒暈。未應泣別臉消紅。

何人織得相思字。寄與江邊北向鴻。

惠泉山下土如濡。陽羨溪頭米勝珠。賣劍買牛吾欲老。殺

雞爲黍子來無。地偏不信容高蓋。俗儉真堪着腐儒。莫怪

江南苦留滯。經營身計一生迂。

遊鶴林招隱二首

郊原雨初霽。春物有餘妍。古寺滿脩竹。深林聞杜鵑。睡餘柳花墮。目眩山櫻然。西窓有病客。危坐看香煙。

行歌白雲嶺。坐咏脩竹林。風輕花自落。日薄山半陰。澗草

誰復識聞香杳難尋時見城市人幽居惜未深

次韻沈長官

造物知吾久念歸似憐衰病不相違風來震澤帆初飽雨入松江水漸肥

過永樂文長老已卒

初驚鶴瘦不可識旋覺雲歸無處尋三過門間老病死一彈指頃去來今存亡慣見渾無淚鄉井難忘尚有心欲向錢塘訪圓澤葛洪川畔待秋深

捕蝗至浮雲嶺山行疲苦有懷子由弟

霜風漸欲作重陽熠熠溪邊野菊黃久廢山行疲犖确尚能村醉舞淋浪獨眠林下夢魂好回首人間憂患長殺馬毀車從此逝子來何處問行藏

與毛令方尉遊西菩提寺二首

推擠不去已三年魚鳥依然笑我頑人未放歸江北路天教看盡浙西山尚書清節衣冠後處士風流水石間一笑相逢那易得數詩狂語不須刪

路轉山腰足未移水清石瘦便能奇白雲自占東西嶺明月誰分上下池黑黍黃粱初熟後朱柑綠橘半甜時人生此樂須天賦莫遣兒曹取次知

雪夜書北臺壁二首

黃昏猶作雨纖纖夜靜無風勢轉嚴但覺衾裯如潑水不知庭院已堆鹽五更曉色來書幌半夜寒聲落畫簷試掃北臺看馬耳未隨埋沒有雙尖

城頭初日始翻鴉陌上晴泥已沒車凍合玉樓寒起粟光

搖銀海眩生花。遺躔入地應千尺。宿麥連雲有幾家。老病自嗟詩力退。空吟冰柱憶劉叉。

謝人見和前篇二首

已分酒盃欺淺懦。敢將詩律鬪深嚴。漁蓑句好應須畫。柳絮才高不道鹽。敗屨尚存東郭指。飛花又舞謫仙簷。書生事業真堪笑。忍凍孤吟筆退尖。

九陌淒風戰齒牙。銀杯逐馬帶隨車。也知不作堅牢玉。無奈能開頃刻花。得酒強歡愁底事。閉門高卧定誰家。臺前日暖君須愛。冰下寒魚漸可叉。

遊廬山次韻章傳道

塵容已似服轅駒。野性猶同縱壑魚。出入巖巒千仞表。較量筋力十年初。雖無窈窕驅前馬。還有鷓鴣挂後車。莫笑

吟詩淡生活。當令阿買為君書。

惜花

吉祥寺中錦千堆。錢塘花最盛處前年賞花真盛哉。道人勸我清明來。腰鼓百面如春雷。打徹涼州花自開。沙河塘上插花回。醉倒不覺吳兒咍。豈知如今雙鬢催。城西古寺沒蒿萊。有僧閉門手自栽。千枝萬葉巧剪裁。就中一叢何所似。馬腦盤成金縷杯。而我食菜方清齋。對花不飲花應猜。夜來雨雹如李梅。紅殘綠暗吁可哀。

送春 和子由

夢裏青春可得追。欲將詩句絆餘暉。酒闌病客惟思睡。蜜熟黃蜂亦懶飛。芍藥櫻桃俱掃地。病過此鬢絲禪榻兩忘機。憑君借取法界觀。一洗人間萬事非。來書云近看此書余未嘗見也

孔長源挽詞

小偃門頭柳繫船。吳山堂上月侵筵。潮聲夜半千巖響。詩句明朝萬口傳。長源自越過杭夜飲有美堂上聯句長源詩云天目遠隨雙鳳落海門遙感兩潮趨一坐稱善豈意日斜庚子後。忽驚歲在巳辰年。佳城一閉無窮事。南望題詩淚灑牋。

懷西湖寄晁美叔同年

西湖天下景。遊者無愚賢。深淺隨所得。誰能識其全。嗟我本狂直。早為世所捐。獨專山水樂。付與寧非天。三百六十寺。幽尋遂窮年。所至得其妙。心知口難傳。至今清夜夢。耳目餘芳鮮。君持使者節。風采爍雲煙。清流與碧嶽。安肯為君妍。胡不屏騎從。躡借僧榻眠。讀我壁間詩。清涼先煩煎。策杖無道路。直造意所便。應逢古漁父。葦間自篋緣。問道若有得。買魚勿論錢。

和蔣夔寄茶

我生百事常隨緣。四方水陸無不便。扁舟渡江適吳越。三年飲食窮芳鮮。金盞玉膾飯。炊雪海螯江。柱初脫泉。臨風飽食甘。寢罷一甌花乳浮。輕圓自從捨舟入東武。沃野便到桑麻川。翦毛胡羊大如馬。誰記鹿角腥盤筵。厨中蒸粟埋飯甕。大杓更取酸生涎。石羅銅碾棄不用。脂麻白土須盆研。故人猶作舊眼看。謂我好尚如當年。沙溪北苑強分別。水脚一線爭誰先。清詩兩幅寄千里。紫金百餅費萬錢。吟哦烹噉兩奇絕。只恐偷乞煩封纏。老妻稚子不知愛。一半已入薑鹽煎。人生所遇無不可。南北嗜好知誰賢。死生禍福久不擇。更論甘苦爭蚩妍。知君窮旅不自釋。因詩寄

謝聊相鑑

次韻周邠寄雁蕩山圖

西湖三載與君同。馬入塵埃鶴入籠。東海獨來看出日。石橋先去踏長虹。遙知別後添華髮。時向樽前說病翁。所恨蜀山君未見。他年攜手醉郫筒。

送碧香酒與趙明叔教授

聞君有婦賢且廉。勸君慎勿為楚相。不羨紫駝分御食。自遣赤脚沽村釀。嗟君老狂不知愧。更吟醜婦惡嘲謔。諸生聞語定失笑。冬暖號寒卧無帳。碧香近出帝子家。鵝兒破殼酥流益。不學劉伶獨自飲。一壺往助齊眉餽。

趙旣見和復次韻答之

長安小吏天所放。日夜歌呼和丞相。豈知後世有阿瞞。曹公

自言參

北海樽前捉私釀。先生未出禁酒國。詩語孤高常

近謗。幾回無酒欲沽君。却畏有司書簿帳。近制公使酒過法甚重酸

寒可笑分一斗。日飲如何足。哀益更將險語壓衰翁。只恐自是臺無餉。

趙郎中往莒縣逾月而歸復以一壺遺之仍用原韻

東鄰主人遊不歸。悲歌夜夜聞春相。門前人鬧馬嘶急。一家喜氣如春釀。王事何曾怨獨賢。室人豈忍交謫謗。大兒踉蹌越門限。小兒咿啞語繡帳。定教舞袖掣伊涼。更想夜庖鳴壺盜。題詩送酒君勿諫。免使退之嘲一餉。

劉貢父見余歌詞數首以詩見戲聊次其韻

十載漂然未可期。那堪重作看花詩。門前惡語誰傳去。醉後狂歌自不知。刺舌君今猶未戒。灸眉我亦更何辭。相從

痛飲無餘事。正是春容最好時。

次韻子由送蔣夔赴代州學官

功利爭先變法初。典刑獨守老成餘。窮人未信詩能爾。倚市懸知繡不如。代北諸生漸狂簡。牀頭雜說爲爬梳。歸來問雁吾何敢。疾世王符解著書。

和李邦直沂山祈雨有應

高田生黃埃。下田生蒼耳。蒼耳亦已無。更問麥有幾。蛟龍睡足亦解慙。二麥枯時雨如洗。不知雨從何處來。但聞呂梁百步聲如雷。試上城南望城北。際天菽粟青成堆。飢火燒腸作牛吼。不知待得秋成否。半年不雨坐龍慵。其怨天公不怨龍。今朝一雨聊自贖。龍神社鬼各言功。無功日盜太倉穀。嗟我與龍同此責。勸農使者不汝容。因君作詩先

自劾。

宿州次韻劉涇

我欲歸休。瑟漸希。舞雩何日着春衣。多情白髮三千丈。無用蒼皮四十圍。晚覺文章真小技。早知富貴有危機。爲君垂涕君知否。千古華亭鶴自飛。涇之兄亦亦有文死矣

次韻答邦直子由二首

簿書顛倒夢魂間。知我疎慵肯見原。閑作閉門僧舍冷。病聞吹枕海濤喧。忘懷杯酒逢人共。引睡文書信手翻。欲吐狂言喙三尺。怕君瞋我却須吞。邦直屢以此見戒

君雖爲我此遲留。別後淒涼我已憂。不見便同千里遠。退歸終作十年遊。恨無楊子一區宅。懶卧元龍百尺樓。聞道鷓鴣滿臺閣。網羅應不到沙鷗。

中秋月

暮雲收盡溢清寒。銀漢無聲轉玉盤。此生此夜不長好。明月明年何處看。

韓幹馬十四疋

二馬並驅攢八蹄。二馬宛頸駿尾齊。一馬任前雙舉後。一馬却避長鳴嘶。老髯奚官騎且顧。前身作馬通馬語。後有八疋飲且行。微流赴吻若有聲。前者既濟出林鶴。後者欲涉鶴俛啄。最後一匹馬中龍。不嘶不動尾搖風。韓生畫馬真是馬。蘇子作詩如見畫。世無伯樂亦無韓。此詩此畫誰當看。

哭刁景純

讀書想前輩。每恨生不早。紛紛少年場。猶得見此老。此老如松栢。不受霜雪槁。直從毫末中。自養到合抱。宏材乏近用。千歲自枯倒。文章餘正始。風節貫華皓。平生為入耳。自為薄如縞。是非雖難齊。反覆看愈好。前年旅吳越。把酒慶壽考。扣門無晨夜。百過迹未掃。但知從德公。未省厭丘嫂。別時公八十。後會知難保。昨日故人書。連年喪公媼。景純妻先傷心范橋水。漾漾舞寒藻。華堂不見人。瘦馬空戀早。我欲江東去。匏樽酌行潦。鏡湖無賀監。慟哭稽山道。忍見萬松岡。荒池沒秋草。

答呂梁仲屯田

亂山合沓圍彭門。官居獨在懸水村。呂梁地名居民蕭條雜麋鹿。小市冷落無雞豚。黃河西來初不覺。但訝清泗流奔渾。夜聞沙岸鳴鑿盜。曉看雪浪浮鵬鯨。呂梁自古喉吻地。萬

頃一抹何由吞。坐觀入市卷閭井。吏民走盡餘玉尊。計窮
路斷欲安適。吟詩破屋愁鴛鴦。歲寒霜重水歸壑。但見屋
瓦留沙痕。入城相對如夢寐。我亦僅免爲魚菴。旋呼歌舞
雜談笑。不惜飲醕空餅盆。念君官舍冰雪冷。新詩美酒聊
相溫。人生如寄何不樂。任使絳螭燒黃昏。宣房未築淮泗
滿。故道堙滅瘡痍存。明年勞苦應更甚。我當奮鍤先黥髡。
付君萬指伐頑石。千鎚雷動蒼山根。高城如鐵洪口決。談
笑却掃看崩奔。農夫掉臂免狼顧。秋穀布野如雲屯。還須
更置軟脚酒。爲君擊鼓行金樽。

春菜

蔓菁宿根已生葉。韭牙戴土拳如蕨。爛烝香薺白魚肥。碎
點青蒿涼餅滑。宿酒初消春睡起。細履幽畦掇芳辣。茵陳
甘菊不負渠。繪縷堆盤纖手抹。北方苦寒今未已。雪底菠
菘如鐵甲。豈如吾蜀富冬蔬。霜葉露牙寒更茁。久拋菘葛
猶細事。苦筍江豚那忍說。明年投劾徑須歸。莫待齒搖并
髮脫。

讀孟郊詩二首

夜讀孟郊詩。細字如牛毛。寒燈照昏花。佳處時一遭。孤芳
擢荒穢。苦語餘詩騷。水清石鑿鑿。湍激不受篙。初如食小
魚。所得不償勞。又似煮彭蠡。竟日嚼空熬。要當闢僧清。未
足當韓豪。人生如朝露。日夜火消膏。何苦將兩耳。聽此寒
蟲號。不如且置之。飲我玉卮醪。

我憎孟郊詩。復作孟郊語。飢腸自鳴喚。空壁轉飢鼠。詩從
肺腑出。出輒愁肺腑。有如黃河魚。出膏以自煮。尚愛銅斗

歌鄙俚頗近古。桃弓射鴨罷。獨速短篋舞。不憂踏船翻。踏浪不踏土。吳姬霜雪白。赤脚浣白紵。嫁與踏浪兒。不識離別苦。歌君江湖曲。感我長羈旅。

約公釋飲是日大風

先生生長匡廬山。山中讀書三十年。舊聞飲水師顏淵。不知治劇乃所便。偷兒夜探赤白丸。奮髯忽逢朱子元。半年羣盜誅七百。誰信家書藏九千。春風無事秋月閑。紅粧執樂豪且妍。紫衫玉帶兩部全。琵琶一抹四十絃。客來留飲不計錢。齊人愛公如子產。兒啼卧路呼不還。我慙山郡空留連。牙兵部吏笑我寒。邀公飲酒公無難。約束官奴買花鈿。薰衣理髮夜不眠。曉來顛風塵暗天。我息其山豈坐慳。作詩愧謝公笑譔。歸來瑟縮愈不安。要當啖公八百里。豪

氣一洗儒生酸

夜飲次韻畢推官

簿書叢裏過春風。酒聖時時且復中。紅燭照庭嘶屢裏。黃雞催曉唱玲瓏。老來漸減金釵典。醉後空驚玉筍工。月上時應早散免。教谿谷問吾公。

續麗人行

李仲謀家有朋昉書背而欠仲內人極精戲作此詩
深宮無人春日長。沉香亭北百花香。美人睡起薄梳洗。燕舞鶯啼空斷腸。畫工欲畫無窮意。背立東風初破睡。若教回首却嫣然。陽城下蔡俱風靡。杜陵飢客眼長寒。蹇驢破帽隨金鞍。隔花臨水時一見。只許腰支背後看。心醉歸來。茆屋底。方信人間有西子。君不見孟光舉案與眉齊。何曾

背面傷春啼

游張山人園

壁間一軸煙蘿子。盆裏千枝錦被堆。慣與先生為酒伴。不嫌刺史亦顏開。纖纖入麥黃花亂。颯颯催詩白雨來。聞道君家好井水。歸軒乞得滿餅回。

攜妓樂游張山人園

大杏金黃小麥熟。墮巢乳鵲拳新竹。故將俗物惱幽人。細馬紅粧滿山谷。提壺勸酒意雖重。杜鵑催歸聲更速。酒闌人散却關門。寂歷斜陽挂疎木。

僕曩於長安陳漢卿家見吳道子畫佛碎爛可惜其後十餘年復見之於鮮于子駿家則已裝背完好子駿以見遺作詩謝之

貴人金多身復閑。爭買書畫不計錢。已將鐵石充逸步。鐵

石梁武帝時人今法帖大王書中有鐵石字更補朱繇為道玄。世所收吳畫多朱繇筆也煙

薰屋漏裝玉軸。鹿皮蒼壁知誰賢。吳生畫佛本神授。夢中化作飛空僊。覺來落筆不經意。神妙獨到秋毫顛。我昔長

安見此畫。歎息至寶空。潜然素絲斷續不忍看。已作胡蝶飛聯翩。君能收拾為補綴。體質散落嗟神全。志公髣髴見

刀尺脩羅天。女猶雄妍如觀老杜飛鳥句。脫字欲補知無緣。問君乞得良有意。欲將俗眼為洗前。貴人一見定羞作

錦囊千紙何足捐。不須更用博麻纒。付與一炬隨飛煙。
次韻答舒教授觀余所藏墨

異時長笑王會稽。野鷺臙腥汗刀几。莫年却得庾安西。自厭家雞題六紙。二子風流冠當代。顧與兒童爭慍喜。秦王

十八已龍飛嗜好晚將地蚓比我生百事不挂眼時人繆
說云工此世間有癖念誰無傾身障簾尤堪鄙一生當著
幾兩屐定心官為微物起此墨足支三十年但恐風霜侵
髮齒非人磨墨磨人餅應未罄囁先耻逝將振衣歸故
國數畝荒園自鉏理作書寄君君莫笑但覓來禽與青李
一螺點漆便有餘萬竈燒松何處使君不見永寧第中壽
龍麝列屋閑居清且美倒暈連眉秀嶺浮雙鴉畫髻香雲
委時聞五斛賜蛾綠不惜千金求獺髓聞君此詩當大笑
寒窓冷視冰生水

中秋月三首

殷勤去年月澹灑古城東憔悴去年人卧病破窓中徘徊
巧相覓窈窕穿房櫳月豈知我病但見歌樓空撫枕三歎

息扶杖起相從天風不相哀吹我落瓊宮白露入肝肺夜
吟如秋蟲坐令太白豪化為東野窮餘年知幾何佳月豈
屢逢寒魚亦不睡竟夕相唼嚼

六年逢此月五年照離別中秋有月凡六年矣惟歌君別

時曲滿坐為淒咽留都信繁麗此會豈輕擲鎔銀百頃湖

挂鏡千尋闕三更歌吹罷人影亂清樾歸來北堂下寒光

翻露葉喚酒與婦飲念我向兒說豈知衰病後空盞對梨

栗但見古河東麩麥如鋪雪欲和去年曲復恐心斷絕

舒子在汶上閉門相對清舒與鄭舉鄭子向河朔鄭僅赴

曹孤舟連夜行頓子雖咫尺兀如在牢局頓起來徐趙子

寄書來水調有餘聲今日得趙某卿書猶記余在悠哉四

子心共此千里明明月不解老良辰難合并回顧坐上人

東坡詩集 三十四
聚散如流萍嘗聞此宵月萬里同陰晴故人文生為余言嘗見海賈云中秋有月則是歲珠多而圓賈人嘗以此候之雖相去萬里他日會合相問陰晴無不同者天公自著意此會那可輕明年各相望俯仰今古情

和子由中秋見月

明月未出羣山高瑞光千丈生白毫一杯未盡銀闕亂雲脫壞如崩濤誰為天公洗眸子應費明河千斛水遂令冷看世間人顧我湛然心不起西南火星如彈丸角尾奕奕蒼龍蟠今宵注眼看不見更許螢火爭清寒何人艤舟臨古汴千燈夜作魚龍變曲折無心逐浪花低昂赴節隨歌板是夜賈客舟中放水燈青熒滅沒轉前山浪颭風迴豈復堅明月易低人易散歸來呼酒更重看堂前月色愈清好咽咽寒蟬鳴露草卷簾推戶寂無人窓下唧啞惟楚老近有一孫名楚

老南都從事莫羞貧對月題詩有幾人明朝人事隨日出
恍然一夢瑤臺客

與頓起孫勉泛舟探韻得未字

窓前堆梧桐牀下鳴絡緯佳人尺書到客子中夜喟朝來一樽酒晤語聊自慰秋蠅已無聲霜蟹初有味當為壯士飲眦裂須磔磔勿作兒女懷坐念蠪蝓畏山城亦何有一笑瀉肝胃泛舟以娛君魚鼈多可饒縱為十日飲未遽主人費吾儕俱老矣耿耿知自貴寧能傍門戶啼笑雜猩猩要將百篇詩一吐千丈氣蕭條歲行莫迨此霜雪未明朝出城南遺迹觀楚魏西風迫吹帽金菊亂如沸願君勿言歸輕別吾所諱

九日黃樓作

去年重陽不可說。南城夜半千漚發。水穿城下作雷鳴。泥
滿城頭飛雨滑。黃花白酒無人問。日暮歸來洗鞵襪。豈知
還復有今年。把盞對花容一呷。莫嫌酒薄紅粉陋。終勝泥
中事。歛鍾黃樓新成壁未乾。青河已落霜初殺。朝來白露
如細雨。南山不見千尋剝。樓前便作海茫茫。樓下空聞
鶉鴉。薄寒中人老可畏。熱酒澆腸氣先壓。煙消日出見漁
村。遠水鱗鱗山鬱鬱。詩人猛士雜龍虎。坐客三十餘人。楚
多知名之士。舞吳歌。亂鴉鴨。一杯相屬君勿辭。此境何殊泛清雪。

九日次韻王鞏

我醉欲眠君罷休。已教從事到青州。鬢霜饒我三千丈。詩
律輸君一百籌。聞道郎君閉東閣。且容老子上南樓。相逢
不用忙歸去。明日黃花蝶也愁。

送頓起

客路相逢難。爲樂常不足。臨行挽衫袖。更賞折殘菊。佳人
亦何念。淒斷陽關曲。酒闌不忍去。共接一寸燭。留君終無
窮。歸駕不免促。岱宗已在眼。一往繼前躅。天門四十里。夜
看扶桑浴。回頭望彭城。大海浮一粟。故人在其下。塵土相
逐。蹴惟有黃樓詩。千古配淇澳。頓有詩記黃樓本末。

次韻王鞏顏復同泛舟

沈郎清瘦不勝衣。邊老便便帶十圍。躩蹠身輕山上走。謹
呼船重醉中歸。舞腰似雪金釵落。談辯如雲玉麈麾。憶在
錢塘正如此。回頭四十二年非。

與參寥師行園中得黃耳蕈

遣化何時取衆香。法筵齋鉢久淒涼。寒蔬病甲誰能採。落

葉空畦半已荒。老楮忽生黃耳菌。故人兼致白牙薑。蕭然放筯東南去。又入春山筍蕨鄉。

百步洪 并序

王定國訪余於彭城。一日棹小舟與顏長道攜盼英卿三子游泗水。北上聖女山。南下百步洪。吹笛飲酒。乘月而歸。余時以事不得往。夜着羽衣。佇立於黃樓上。相視而笑。以爲李太白死。世間無此樂。三百餘年矣。定國旣去。逾月復與參寥師。放舟洪下。追懷曩遊。已爲陳迹。喟然而嘆。

佳人未肯回秋波。幼與欲語防飛梭。輕舟弄水買一笑。醉中蕩槳肩相磨。不似長安閭里俠。貂裘夜走燕脂坡。獨將詩句擬鮑謝。涉江共採秋江荷。不知詩中道何語。但覺兩頰生微渦。我時羽服黃樓上。坐見織女初斜河。歸來笛聲滿山谷。明月正照金叵羅。奈何捨我入塵土。擾擾毛羣欺卧馳。不念空齋老病叟。退食誰與同委蛇。時來洪上看遺迹。忍見屐齒青苔窠。詩成不覺雙淚下。悲吟相對惟羊何。欲遣佳人寄錦字。夜寒手冷無人呵。

夜過舒堯文戲作

先生堂前霜月苦。弟子讀書喧兩廡。推門入室書縱橫。蠅紙燈籠晃雲母。先生骨清少眠卧。長夜默坐數更鼓。耐寒石硯欲生水。得火銅餅如過雨。郎君欲出先自贊。坐客斂衽誰敢侮。明朝阮籍過阿戎。應作羲之美懷祖。

次韻王廷老退居見寄

接果移花看補籬。腰鎌手斧不妨持。上都新事長先到。老

圃閑談未易欺。釀酒閉門開社壺。殺牛留客解耕磨。何時
得見纖纖玉。右手持盃左捧頤。

祈雪霧猪泉出城馬上作贈舒堯文

二年走吳越。踏遍千里山。朝隨白雲去。莫與栖鴉還。翩如
得木杭。飛步誰能攀。一爲符竹累。坐老敲榜間。此行亦何
事。聊散腰脚頑。浩蕩城西南。亂山如玦環。山下野人家。桑
柘雜榛菅。歲晏風日暖。人牛相對閑。薄雪不蓋土。麥苗稀
可刪。願君發豪句。嘲詠破天慳。

種松得徠字

其四在懷古堂其六在石經院

春風吹榆林。亂英飛作堆。荒園一雨過。戢戢千萬栽。青松
種不生。百株望一枚。一枚已有餘。氣壓千畝槐。野人易斗
粟。云自魯徂徠。魯人不知貴。萬竈飛青煤。束縛同一車。胡

爲乎來哉。泫然解其縛。清泉洗浮埃。枝傷葉尚困。生意未
肯回。山僧老無子。養護如嬰孩。坐待走龍蛇。清陰滿南臺。
孤根裂山石。直幹排風雷。我今百日客。養此千歲材。時夫
不百茯苓無消息。雙鬢日夜催。古今一俛仰。作詩寄餘哀。

往在東武與人往反作粲字韻詩四首今黃魯直亦

次韻見寄復和答之

符堅破荊州。止獲一人半。中郎老不遇。但喜識元歎。我今
獨何幸。文字厭奇玩。又得天下才。相從百憂散。陰求我輩
人。規作林泉伴。寧當待耋老。倉卒收一旦。不見梁伯鸞。空
對孟光案。才難不其然。婦女厠周亂。世豈無作者。於我如
既盥。獨喜誦君詩。咸韶音節緩。夜光一已多。劍獲纍纍貫。
相思君欲瘦。不往我真孺。吾儕眷微祿。寒夜抱寸炭。何時

東坡詩集 三十八
定相過。徑就我乎館。飄然東南去。江水清且渙。相與訪名山。微言師忍粲。

送蜀人張師厚赴殿試

忘歸不覺鬢毛斑。好事鄉人尚往還。斷嶺不遮西望眼。送君直過楚王山。

罷徐州往南京馬上走筆寄子由

吏民莫拔援。歌管莫悽咽。吾生如寄耳。寧獨爲此別。別離隨處有。悲惱緣愛結。而我本無恩。此涕誰爲設。紛紛等兒戲。鞭撻遭割截。道邊雙石人。幾見太守發。有知當解笑。撫掌冠纓絕。

父老何自來。花枝裊長紅。洗琰拜馬前。請壽使君公。前年無使君。魚鼈化兒童。舉鞭謝父老。正坐使君窮。窮人命分惡。所向招災凶。水來非吾過。去亦非吾功。

贈惠山僧惠表

行遍天涯意未闌。將心到處遣人安。山中老宿依然在。案上楞嚴已不看。欹枕落花餘幾片。閉門新竹自千竿。客來茶罷空無有。盧橘楊梅尚帶酸。

與秦太虛參寥會于松江而關彥長徐安中適至分韻得風字二首

吳越溪山興未窮。又扶衰病過垂虹。浮天自古東南水。送客今朝西北風。絕境自忘千里遠。勝遊難復五人同。舟師不會留連意。擬看斜陽萬頃紅。

二子緣詩老更窮。人間無處吐長虹。平生睡足連江雨。盡日舟橫擘岸風。人笑年來三黜慣。天教我輩一樽同。知君

欲寫長相憶更送銀盤尾鬣紅

送劉寺丞赴餘姚

中和堂後石楠樹與君對牀聽夜雨玉笙哀怨不逢人但見香煙橫碧縷謳吟息歸出無計坐想蟋蟀空房語明朝開鑊放觀潮豪氣正與潮爭怒銀山動地君不看獨愛清香生雪霧別來聚散如宿昔城郭空存鶴飛去我老人間萬事休君亦洗心從佛祖手香新寫法界觀眼淨不覷登伽女餘姚古縣亦何有龍井白泉甘勝乳千金買斷顧渚春似與越人降日注

李公擇過高郵見施大夫與孫莘老賞松詩憶與僕

去歲會于彭門折花饋筍故事作詩二十四韻見

戲依韻奉答亦以一戲公擇云爾

汝陽真天人絹帽著紅槿纏頭三百萬不買一微酒其誇
青山峰曲盡花不墮當時謫仙人逸韻謝封吟詩成天一
笑萬象解寒窘驚開小桃杏不待雷發軫餘波尚滄滴乞
與居易積爾來誰復見前輩風流盡寂寞兩詩人殘紅對
櫻筍飢腸得一醉妙語傳不泯君來恨不與便復相牽引
我老心已灰空煩扇餘燼天遊照六鑿虛空掃充物懸知
色竟空那復嗜鳥吻蕭然一方丈居士老龐藹散花從滿
袂不答天女問故人猶故日怨句寫餘恨疑我此心在遮
防費欄楯應虞已斃虵折尾時一蠢仄聞孟光賢未學處
仲忍開閣事見本傳寄招應已足左右侍雲鬢何時花月夜羊
酒謝不敏此生如幻耳戲語君勿愠應同亡是公一對子
虛聽

乘舟過賈收水閣收不在見其子二首

愛酒陶元亮能詩張志和青山來水檻白雨滿漁簑
淚垢添下面貧低舉案蛾不知何所樂竟夕獨酣歌
嫋嫋風蒲亂倚倚水荇長小舟浮鴨綠大杓瀉鵝黃得意
詩酒社終身魚稻鄉樂哉無一事何處不清涼

泛舟城南會者五人分韻賦詩

紫蟹鱸魚賤如土得錢相付何曾數碧筍時作象鼻彎白
酒微帶荷心苦運肘風生看斫脰隨刀雪落驚飛縷不將
醉語作新詩飽食應慙腹如鼓

與胡祠部遊法華山

陂湖欲盡山為界始見寒泉落高派道人未放泉出山曲
折虛堂瀉清快使君年老尚兒戲綠棹紅船舞澎湃一笑

翻杯水濺裙餘懽濯足波生隘長松攙天龍起立蒼藤倒
谷雪崩壞仰穿蒙密得清曠一覽震澤吁可怪誰云四萬
八千頃渺渺東盡日所曬歸塗十里盡風荷清唱一聲聞
露薤是日樂工有作此聲者嗟余少小慕真隱白髮青衫天所械忽
逢佳士與名山何異枯楊便馬疥君猶鸞鶴偶飄墮六翮
如雲豈長鍛不將新句紀茲遊恐負山中清淨債

又次前韻贈買耘老

具區吞滅三州界浩浩湯湯納千派從來不著萬斛船一
葦漁舟恣奔快仙壇古洞不可到空聽餘瀾鳴澎湃今朝
偶上法華嶺縱觀始覺入寰隘山頭卧碣弔孤冢下有至
人僵不壞空餘白棘網秋蟲無復青蓮出幽怪專見本院碑我
來徙倚長松下欲掘茯苓親洗晒聞道山中富奇藥往往

靈芝雜葵薤。詩人空腹待黃精。三事只看長柄械。杜子美詩云長
鏡短鏡白木柄。我今年大熟期一飽。食葉微蟲真癩疥。今
生託子以為命。今年大熟期一飽。食葉微蟲真癩疥。今
有小蟲。白半落紫穉香。攘臂欲助磨鎌鋤。安得山泉
變春酒。與子一洗尋常債。

陳季常所畜朱陳村嫁娶圖

何年顧陸丹青手。畫作朱陳嫁娶圖。聞道一村惟兩姓。不
將門戶買崔盧。

我是朱陳舊使君。勸耕曾入杏花村。而今風物那堪畫。縣
吏催錢夜打門。朱陳村在徐州蕭縣

初到黃州

自笑平生為口忙。老來事業轉荒唐。長江遶郭知魚美。好
竹連山覺筍香。逐客不妨員外置。詩人例作水曹郎。只慙

無補絲毫事。尚費官家壓酒囊。檢校官例折吏多獨退酒

定惠院寓居月夜偶出

幽人無事不出門。偶逐東風轉良夜。參差玉宇飛水末。繚
繞香煙來月下。江雲有態清自媚。竹露無聲浩如瀉。已驚
弱柳萬絲垂。尚有殘梅一枝亞。清詩獨吟還自和。白酒已
盡誰能借。不辭青春忽忽過。但恐懽意年年謝。自知醉耳
愛松風。會揀霜林結茅舍。浮浮大甌長炊玉。溜溜小槽如
壓蔗。飲中真味老更濃。醉裏狂言醒可怕。但當謝客對妻
子。倒冠落佩從嘲罵。

次韻前篇

去年花落在徐州。對月酣歌美清夜。去年徐州花下對月
與張君厚王子忠兄
頻字韻詩。今年黃州見花發。小院閉門風露下。萬事如花

弟飲酒作
頻字韻詩

支寺少

四十二

不可期。餘年似酒那禁瀉。憶昔還鄉沂巴峽。落帆樊口。黃
州南高桅亞。長江袞袞空自留。白髮紛紛寧少借。竟無五
畝繼沮溺。空有千篇陵鮑謝。至今歸計負雲山。未免孤衾
眠客舍。少年辛苦真食蓼。老景清閑如啖蔗。飢寒未至且
安居。憂患已空猶夢怕。尋花踏月飲村酒。免使醉歸官長
罵。

寓居定惠院之東。雜花滿山。有海棠一株。土人不知
貴也。

江城地瘴蕃草木。只有名花苦幽獨。嫣然一笑竹籬間。桃
李漫山總麤俗。也知造物有深意。故遣佳人在空谷。自然
富貴出天姿。不待金盤薦華屋。朱唇得酒暈生臉。翠袖卷
紗紅映肉。林深霧暗曉光遲。日暖風輕春睡足。雨中有淚
亦悽愴。月下無人更清淑。先生食飽無一事。散步逍遙自
捫腹。不問人家與僧舍。拄杖敲門看修竹。忽逢絕艷照衰
朽。歎息無言揩病目。陋邦何處得此花。無乃好事移西蜀。
寸根千里不易到。銜子飛來定鴻鵠。天涯流落俱可念。爲
飲一樽歌此曲。明朝酒醒還獨來。雪落紛紛那忍觸。

雨晴後步至四望亭下魚池上。遂自乾明寺前東岡
上歸。

雨過浮萍合。蛙聲滿四鄰。海棠真一夢。梅子欲嘗新。拄杖
閑挑菜。鞦韆不見人。慙慙木芍藥。獨自殿餘春。

杜沂遊武昌。以酴醾花見餉。

酴醾不爭春。寂寞開最晚。青蛟走玉骨。羽蓋蒙珠幘。不粧
艷已絕。無風香自遠。淒涼吳宮闕。紅粉埋故苑。至今微月

夜笙歌來絕。鳴餘妍入此花。千載尚清婉。怪君呼不歸。定為花所挽。昨宵雷雨惡。花盡君應返。

遷居臨皋亭

我生天地間。一蟻寄大磨。區區欲右行。不救風輪左。雖云走仁義。未免蓬寒餓。劍米有危炊。鍼繯無穩坐。豈無佳山水。借眼風雨過。歸田不待老。勇決兀幾箇。幸茲廢棄餘。疲馬解鞍馱。全家古江驛。絕境天為破。飢貧相乘除。未見可弔賀。澹然無憂樂。苦語不成些。

曉至巴河口迎子由

去年御史府。舉動觸四壁。幽幽百尺井。仰天無一席。隔墻聞歌呼。自恨計之失。留詩不忍寫。苦淚漬紙筆。餘生復何幸。樂事有今日。江流鏡面靜。煙雨輕羃羃。孤舟如鳧鷖。點

破千頃碧。聞君在磁湖。欲見隔咫尺。朝來好風色。旗尾西北擲。行當中流見。笑眼青光溢。此邦疑可老。修竹帶泉石。欲買柯氏林。茲謀待君必。

次韻答子由

平生弱羽寄衝風。此去歸飛識所從。好語似珠穿一一。忘心如膜退重重。山僧有味寧知子。龍吏無言只笑儂。尚有讀書清淨業。未容春睡敵千鍾。

正月二十日往岐亭郡人潘古郭三人送余於女王

城東禪莊院

一本作代書寄桃山居士張聖可

十日春寒不出門。不知江柳已搖村。稍聞泱泱流水谷。盡放青青沒燒痕。數畝荒園留我住。半甕濁酒待君溫。去年今日關山路。細雨梅花正斷魂。

東坡八首

并叙

余至黃二年日以困匱故人馬正卿哀予乏食為於郡中請故營地數十畝使得躬耕其中地既久荒為茨棘瓦礫之場而歲又大旱墾闢之勞筋力殆盡釋耒而歎乃作是詩自愍其勲庶幾來歲之入以忘其勞焉

廢壘無人顧頽垣滿蓬蒿誰能指筋力歲晚不償勞獨有孤旅人天窮無所逃端來拾瓦礫歲旱土不膏崎嶇草棘中欲刮一寸毛喟然釋耒歎我廩何時高

荒田雖浪莽高庫各有適下隰種秔秠東原蒔棗栗江南有蜀土桑果已許乞好竹不難栽但恐鞭橫逸仍須卜佳處規以安我室家童燒枯草走報晴井出一飽未敢期瓢飲已可必

自昔有微泉承從遠嶺背穿城過聚落流惡壯蓬艾去為

河氏陂十畝魚蝦會歲旱泉亦竭枯萍粘破塊昨夜南山

雲雨到一犁外泫然尋故瀆知我理荒蕪泥芹有宿根一

寸嗟獨在雪芽何時動春鳩行可膾蜀人貴芹芽膾雜鳩肉作之

種稻清明前樂事我能數毛空暗春澤鉞水聞好語蜀人細

雨為雨毛稻初生時農夫相語稻鉞水矣分袂及初夏漸喜風葉舉月明看露

上一珠垂縷秋來霜穗重顛倒相撐拄但聞哇瓏間蚱

蟻如風雨蜀中稻熟時蚱蟻羣飛田間如小蝗狀而不害稻新春便入甑玉粒照

筐筥我久食官倉紅腐等泥土行當知此味口腹吾已許

良農惜地力幸此十年荒桑柘未及成一麥庶可望投種

未逾月覆塊已蒼蒼農夫告我言勿使苗葉昌君欲富餅餌要須縱牛羊再拜謝苦言得飽不敢忘

種棗期可剝。種松期可斲。事在十年外。吾計亦已慙。十年何足道。千載如風電。舊聞李衡奴。此策疑可學。我有同舍郎。官居在瀟岳。李公擇也遺我三寸柑。照坐光卓犖。百栽儻可致。當及春水渥。想見竹籬間。青黃垂屋角。

潘子久不調。沽酒江南村。郭生本將種。賣藥西市垣。古生亦好事。恐是押牙孫。家有十畝竹。無時客叩門。我窮交舊絕。三子獨見存。從我於東坡。勞餉同一餐。可憐杜拾遺。事與朱阮論。吾師卜子夏。四海皆弟昆。

馬生本窮士。從我二十年。日夜望我貴。求分買山錢。我今反累生。借耕輟茲田。刮毛龜背上。何時得成羶。可憐馬生癡。至今誇我賢。眾笑終不悔。施一當獲千。

姪安節遠來夜坐

心衰面改瘦。崢嶸相見惟。應識舊聲。永夜思家在何處。殘年知汝遠來情。畏人默坐成癡鈍。問舊驚呼半死生。夢斷酒醒山雨絕。笑看飢鼠上燈檠。

岐亭道上見梅花戲贈季常

蕙死蘭枯菊亦摧。返魂香入嶺頭梅。數枝殘綠風吹盡。一點芳心雀啅開。野店初嘗竹葉酒。江雲欲落豆稽灰。行當更向釵頭見。病起烏雲正作堆。

杭州故人信至齊安

昨夜風月清。夢到西湖上。朝來聞好語。扣戶得吳餉。輕圓白曬荔。脆臘紅螺醬。更將西庵茶。勸我洗江瘴。故人情義重。說我必西向。一年兩僕夫。千里問無恙。相期結書社。故人未一歲。再至黃。未怕供詩帳。僕項以詩得罪。有司移杭取境內所留詩。杭州俱數百首。

謂之還將夢魂去一夜到江漲

和王鞏三首次韻

芒談陽湖山不作一錢直巖藏兩頭虺瘴落千仞翼雅宜
 羸免放頗訝虞舜陟覽來已可畏覽鏡憂面黑况子三年
 囚苦霧變飲食吉人終不死仰荷天地德我來黃岡下歛
 枕江流碧江南武昌山向我如咫尺春蔬黃土軟凍筍蒼
 崖折此行我累君乃反得安宅遙知丹穴近為廝响嘷石
 他年分刀圭名字挂仙籍君許惠桂州丹砂
 少年帶刀劍但識從軍樂老天服犁鉏解佩付鎗鑠雖無
 獻捷功會賜力田爵敲冰春擣紙刈葦秋織箔櫟林斬冬
 炭竹塢收夏籜四時俯有取一飽天所酢君生紈綺間欲
 學非其脚左右玉纖纖束薪誰為縛勿令聞此語翠黛頰

將惡笑我一間茆婦姑紛六鑿

君家玉臂貫銅青下客何時見目成勤把鈇黃記宮樣莫
 教絃管作蠻聲薰衣漸歎衙香少擁髻遙憐夜語清記取
 北歸攜過我南江風浪雪山傾君自南江赴任不一過我

正月二十日與潘郭二生出郊尋春忽記去年是日

同至女王城作詩乃和前韻

東風未肯入東門走馬還尋去歲村人似秋鴻來有信事
 如春夢了無痕江城白酒三杯釀野老蒼顏一笑溫已約
 年年為此會故人不用賦招魂

紅梅

怕愁貪睡獨開遲自恐冰容不入時故作小紅桃杏色尚
 餘孤瘦雪霜姿寒心未肯隨春態酒暈無端上玉肌詩老

不知梅格在更看綠葉與青枝石曼卿紅梅詩云認桃無綠葉辨杏有青枝

二蟲

君不見水馬兒步步逆流水大江東流日千里此蟲趨趨長在此君不見鷄熅堆决起隨衝風隨風一去宿何許逆風還落蓬蒿中二蟲愚智俱莫測江邊一笑無人識

寒食雨

春江欲入戶雨勢來不已小屋如漁舟濛濛水雲裏空庖煮寒菜破竈燒濕葦那知是寒食但見烏銜紙君門深九重墳墓在萬里也擬哭塗窮死灰吹不起

徐使君分新火

臨皋亭中一危坐三見清明改新火溝中枯木應笑人鑽斫不然誰似我黃州使君憐久病分我五更紅一孕從來

破釜躍江魚只有清詩嘲飯顆起攜蠟炬遠空屋欲事烹煎無一可為公分作無盡燈照破十方昏暗鏤

蜜酒歌并叙

西蜀道士楊世昌善作蜜酒絕醇釀余既得其方作此歌遺之

真珠為漿玉為醴六月田夫汗流漉不如春甕自生香蜂為耕耘花作米一日小沸魚吐沫二日眩轉清光活三日開甕香滿城快瀉銀餅不須撥百錢一斗濃無聲甘露微濁醞醱清君不見南園採花蜂似雨天教釀酒醉先生先生年來窮到骨問人乞米何曾得世間萬事真悠悠蜜蜂大勝監河侯

又一首答二猶子與王郎見和

脯青苔炙青蒲。爛蒸鵝鴨乃瓠壺。煮豆作乳脂爲酥。高燒
油燭斟蜜酒。貧家百物初何有。古來百巧出窮人。搜羅假
合亂天真。詩書與我爲麴蘖。醞釀老夫成措紳。質非文是
終難久。脫冠還作扶犁叟。不如蜜酒無燠寒。冬不加甜夏
不酸。老夫作詩殊少味。愛此三篇如酒美。封
憐不知更有王郎子。

宋已可

魚蠻子

江淮水爲田。舟楫爲室居。魚鰕以爲糧。不耕自有餘。異哉
魚蠻子。本非左衽徒。連排入江住。竹瓦三尺廬。於焉長子
孫。戚施且侏儒。擘水取魴鯉。易如拾諸途。破釜不着鹽。雪
鱗芼青蔬。一飽便甘寢。何異獺與狙。人間行路難。踏地出
賦租。不如魚蠻子。駕浪浮空虛。空虛未可知。會當算舟車。

蠻子叩頭泣。勿語桑大夫。

弔李臺卿 并敘

李臺卿字明仲。廬州人。貌陋甚。性介不羣。而博學強記。
罕見其比。好左氏有史學。考正同異。多所發明。知天文
律。歷千載之日。可坐數也。軾謫居黃州。臺卿爲麻城主
簿。始識之。旣罷。居于廬。而曹光州演甫以書報其亡臺
卿。光州之妻黨也。

我初未識君。人以君爲笑。垂頭若病鶴。煙雨靈七竅。弊衣
來過我。危坐若持釣。褚裋半面新。酸蔑一語妙。徐徐涉其
瀾。極望不得微。却觀元嫵媚。士固難輕料。看書眼如月。鑄
隙靡不照。我老多遺忘。得君如再少。從橫通雜藝。甚博且
知要。所恨言無文。至老幽不耀。其生世莫識。已死誰復弔。

東坡詩集
作詩遺故人。庶解俗子譙。

元脩菜 并敘

菜之美者有吾鄉之東。故人東元脩嗜之。余亦嗜之。元脩云。使孔北海見。當復云。吾家菜邪。因謂之元脩菜。余去鄉十有五年。思而不可得。元脩適自蜀來。見余於黃。乃作是詩。使歸致其子而種之。東坡之下云。

彼美君家菜。鋪田綠茸茸。豆莢圓且小。槐芽細而豐。種之秋雨餘。擢秀繁霜中。欲花而未萼。一一如青蟲。是時青裙女。採擷何怱怱。烝之復湘之。香色蔚其饒。點酒下鹽豉。縷橙芼薑葱。那知雞與豚。但恐放箸空。春盡苗葉老。耕翻煙雨叢。潤隨甘澤化。暖作青泥融。始終不我負。力與糞壤同。我老忘家舍。楚音變兒童。此物獨嫵媚。終年繫余胃。君歸

致其子。囊盛勿函封。張騫移苜蓿。適用如葵菘。馬援載薏苡。羅生等蒿蓬。懸知東坡下。塉鹵化千鍾。長使齊安人。指此說兩翁。

二月三日點燈會客

江上東風浪接天。苦寒無賴破春妍。試開雲夢羔兒酒。快瀉錢塘藥玉船。蠶市光陰非故國。馬行燈火記當年。冷煙濕雪梅花在。留得新春作上元。

上巳日與二三子攜酒出游。隨所見輒作數句。明日集之爲詩。故詞無倫次。

薄雲霏霏不成雨。杖藜曉入千花塲。柯丘海棠吾有詩。獨笑深林誰敢侮。三杯卯酒人徑醉。一枕春睡日亭午。竹間老人不讀書。留我閉門誰教汝。出簷藜枳十圍大。寫真素

壁千蛟舞。東坡作塘。今幾尺。攜酒一勞農。工苦却尋流水。
出東門。壞垣古塹。花無主。卧開桃李。爲誰妍。對立鷓鴣相
媚。嬾開。併藉草。勸行路。不惜春衫。汗泥土。褰裳共過春草
亭。扣門却入韓家園。輓轆繩。斷井深碧。鞦韆索。挂人何所。
映簾空。復小桃枝。乞漿不見。磨門女。南上古臺。臨斷岸。雪
陣翻空。迷仰俯。故人餽我玉葉羹。火冷煙消。誰爲煮。倚樞
束蘊下。荒徑。姪蛇隔花。聞好語。更隨落景。盡餘樽。却傍孤
城得僧宇。主人勸我洗足眠。倒牀不復聞鐘鼓。明朝門外
泥一尺。始悟三更雨。如許平生所向。無一遂。茲遊何事。天
不阻。固知我友不終窮。豈弟君子神所予。

南堂二首

他時雨夜困移牀。坐厭愁聲點客腸。一聽南堂新瓦響。似

聞東塢小荷香

山家爲割千房蜜。稚子新畦五畝蔬。更有南堂堪著客。不
憂門外故人車。

次韻孔毅甫久旱已而甚雨三首

飢人忽夢飯甌溢。夢中一飽百憂失。只知夢飽本來空。未
悟真飢定何物。我生無田食破硯。爾來硯枯磨不出。去年
太歲空在酉。傍舍壺漿不容乞。今年旱勢復如此。歲晚何
以黔吾突。青天蕩蕩呼不聞。况欲稽首號泥佛。甕中蜴蜥
尤可笑。跂跂脉脉何等秩。陰陽有時雨有數。民是天民天
自卹。我雖窮苦不如人。要亦自是民之一。形容可似喪家
狗。未宜弭耳爭投骨。倒冠落幘謝朋友。獨與蚊雷共圭革。
故人嗔我不開門。君視我門誰肯屈。可憐明月如潑水。夜

半清光翻我室。風從南來非雨候。且為疲人洗蒸鬱。褰裳
一和快哉語。未暇飢寒念明日。

去年東坡拾瓦礫。自種黃桑三百尺。今年刈草蓋雪堂。日
炙風吹面如墨。平生懶惰今始悔。老大勤農天所直。沛然
例賜三尺雨。造化無心况難測。四方上下同一雲。甘澤不
為龍所隔。俗有分龍日蓬蒿下濕迎曉耒。燈火新涼催夜織。老
夫作罷得甘寢。卧聽墻東人響屐。奔流未已坑谷平。折葦
枯荷恣漂溺。腐儒麤糲支百年。力耕不受衆目憐。破陂漏
水不耐旱。人力未至求天全。會當作塘徑千步。橫斷西北
遮山泉。四鄰相率助舉杵。人人知我囊無錢。明年共看決
渠雨。飢飽在我寧關天。誰能伴我田間飲。醉倒惟有支頭
顛。

天公號令不再出。十日愁霖併為一。君家有田水冒田。我
家無田憂入室。不如西州楊道士。萬里隨身惟兩膝。沿流
不惡泝亦佳。一葉扁舟任漂突。山芎麥麴都不用。泥行露
宿終無疾。夜來飢腸如轉雷。旅愁非酒不可開。楊生自言
識音律。洞簫入手清且哀。不須更待秋井榻。見人白骨方
銜杯。

初秋寄子由

百川日夜逝。物我相隨去。惟有宿昔心。依然守故處。憶在
遠驛。閉門秋暑中。藜羹對書史。揮汗與子同。西風忽淒
厲。萬葉穿戶牖。子起尋袂衣。感歎執我手。朱顏不可恃。此
語君勿疑。別離恐不免。功名定難期。當時已悽斷。况此兩
衰老。失塗既難追。學道恨不早。買田秋已議。築室春當成。

雪堂風雨夜已作對牀聲

和秦太虛梅花

西湖處士骨應槁。只有此詩君壓倒。東坡先生心已灰。為愛君詩被花惱。多情立馬待黃昏。殘雪消遲月出早。江頭千樹春欲闌。竹外一枝斜更好。孤山山下醉眠處。點綴裙腰紛不掃。萬里春隨逐客來。十年花送佳人老。去年花開我已病。今年對花還草草。不如風雨卷春歸。收拾餘香還畀昊。

過江夜行武昌山上聞黃州鼓角

清風弄水月銜山。幽人夜渡吳王峴。黃州鼓角亦多情。送我南來不辭遠。江南又聞出塞曲。半雜江聲作悲健。誰言萬方聲一槩。鼉憤龍愁為余變。我記江邊枯柳樹。未死相

逢真識面。他年一葉沂江來。還吹此曲相迎餞。

將至筠先寄遲适遠三猶子

露宿風餐六百里。明朝飲馬南江水。未見豐盈犀角兒。先逢玉雪王郎子。時道逢王郎於建昌方北行也對牀欲作連夜語。念汝還須戴星起。夜來夢見小於菟。遠小名菟兒猶是髭髦垂兩耳。憶過濟南春未動。三子出迎殘雪裏。我時移守古河東。酒肉淋漓渾舍喜。而今憔悴一羸馬。逆旅擔夫相汝爾。出城見我定驚嗟。身健窮愁不須耻。我為乃翁留十日。掣電一歡何足恃。惟當火急作新詩。一醉兩翁勝酒美。

別子由 兼別遲

知君念我欲別難。我今此別非他日。風裏楊花雖未定。雨中荷葉終不濕。三年磨我費百書。一見何止得雙壁。願君

亦莫歎留滯六十小劫風雨疾。

岐亭五首

昨日雲陰重。東風融雪汁。遠林草木暗。近舍煙火濕。下有
隱君子。嘯歌方自得。知我犯寒來。呼酒意頗急。拊掌動鄰
里。遠村捉鵝鴨。房櫓鏘器聲。蔬果照巾幘。久聞萋蒿美。初
見新芽赤。洗盞酌鵝黃。磨刀削熊白。須臾我徑醉。坐睡落
巾幘。醒時夜向闌。唧唧銅餅泣。黃州豈云遠。但恐朋友缺。
我當安所主。君亦無此客。朝來靜庵中。惟見蜂戀集。
我哀籃中蛤。閉口護殘汁。又哀網中魚。開口吐微濕。剗腸
彼交病。過分我何得。相逢未寒溫。相勸此最急。不見盧懷
慎。烝盞似烝鴨。坐客皆忍笑。髡然發其鬣。不見王武子。每
食刀機赤。琉璃載烝豚。中有人乳白。盧公信寒陋。衰髮得

滿幘。武子雖豪華。未死神已泣。先生萬金壁。護此一蟻缺。
一年如一夢。百歲真過客。君無廢此篇。嚴詩編杜集。
君家蜂作窠。歲歲添漆汁。我身牛穿鼻。卷舌聊自濕。二年
三過君。此行真得得。愛君似劇孟。叩門知綾急。家有紅頰
兒。能唱綠頭鴨。行當隔簾見。花霧輕羃羃。爲我取黃封。親
拆官泥赤。仍須煩素手。自點葉家白。樂哉無一事。十年不
著幘。閉門弄漆丁。哇笑雜呱泣。西方正苦戰。誰補將帥缺。
披圖見八陣。合散更主客。不須親戎行。坐論教君集。
酸酒如蒸湯。甜酒如蜜汁。三年黃州城。飲酒但飲濕。我如
更揀擇。一醉豈易得。幾息壓茆柴。禁網日夜急。西鄰推甕
盎。醉倒猪與鴨。君家大如掌。破屋無遮幕。何從得此酒。冷
面如君赤。定應好事人。千石供李白。爲君三日醉。蓬髮不

暇曠夜淡欲逾垣。卧想春甕泣。君奴亦笑我。髻齒行禿缺。三年已四至。歲歲遭惡客。人生幾兩屐。莫厭頻來集。

枯松強鑽膏。槁竹欲瀝汁。兩窮相值遇。相哀莫相濕。不知我與君。交遊竟何得。心法幸相語。頭然未為急。願為穿雲鶻。莫作將雛鴨。我行及初夏。煮酒映疏幕。故鄉在何許。西望千山赤。茲遊定安歸。東泛萬頃白。一歡寧復再。起舞花墮。曠將行出苦語。不用兒女泣。吾非固多矣。君豈無一缺。各念別時言。閉戶謝眾客。空堂淨掃地。虛白道所集。

龍尾硯歌 并引

余舊作鳳唼石硯銘。其略云。蘇子一見名鳳唼。坐令龍尾羞。牛後已而求硯於歙。歙人云。子白有鳳唼。何以此為。蓋不能平也。奉議郎方君彥德有龍尾大硯。奇甚。謂

余若能作詩少解前語者當奉餉乃作此詩

黃琮白琥天不惜。顧恐貪夫死懷璧。君看龍尾豈石材。玉德金聲寓於石。與天作石來幾時。與人作硯初不辭。詩成鮑謝石何與。筆落鍾王硯不知。錦茵玉匣俱塵垢。擣練支牀亦何有。况嗔蘇子鳳唼銘。戲語相嘲作牛後。碧天照水風吹雲。明窓大几清無塵。我生天地一閑物。蘇子亦是支離人。瓮言細語都不擇。春蚓秋蛇隨意畫。願從蘇子老東坡。仁者不用生分別。

豆粥

若不見呼沱流澌車折軸。公孫倉皇奉豆粥。濕薪破竈自燎衣。飢寒頓解劉文叔。又不見金谷敲冰草木春。帳下烹煎皆美人。萍虀豆粥不傳法。咄嗟而辦石季倫。干戈未解

身如寄。聲色相纏。心已醉。身心顛倒。自不知。更識人間有
真味。豈如江頭千頃雪。色蘆葑。簷出沒。晨煙孤。地確春杭
光似玉。沙餅煮豆軟如酥。我老此身無着處。賣書來問東
家住。卧聽雞鳴粥熟時。蓬頭曳履君家去。

秦少游夢發殯而葬之者云。是劉發之柩。是歲發首。

薦秦以詩賀之。劉涇亦作。因次其韻。

君看三代士執雉。本以殺身為小補。居官死職戰死綬。夢
尸得官真古語。五行勝已斯為官。官如草木吾如土。仕而
未祿猶賓客。待以純臣益非古。餽焉曰獻稱寡君。豈比公
卿相爾汝。世衰道微士失已。得喪悲懽反其故。草袍蘆箬
相嫵媚。飲食嬉游事羣聚。曲江舫舫月燈毬。是謂舞殯而
歌墓。看花走馬到東野。餘子紛紛何足數。二生年少兩豪

逸。詩酒不知軒冕苦。故令將仕夢發棺。勸子勿為官所腐。
塗車芻靈皆假設。著眼細看君勿誤。時來聊復一飛鳴。進
隱不須煩伍舉。

金山夢中作

江東賈客木絲裘。會散金山月滿樓。夜半潮來風又熟。卧
吹簫管到揚州。

徐大正閑軒

水蠶不知寒。火鼠不知暑。知閑見閑地。已覺非閑侶。君看
東地。懶散誰比數。形骸墮醉夢。生事委塵土。早眠不見
燈。晚食或欺午。置甕取盜坐。視麥漂雨語。希舌頰強行
少。腰脚僂。五年黃州城。不踏黃州鼓。人言我閑客。置此閑
處。所問閑作何味。如眼不自醜。頗訝徐孝廉。得閑能幾許。

介子願奉使。翁歸備文武。應緣不耐閑。名字挂庭宇。我詩
為閑作。更得不閑語。君如汗血駒。轉盼略燕楚。莫嫌鑿輅
重。終勝鹽車苦。

次韻王定國南遷回見寄

土暈銅花蝕秋水。要須悍石相礪砥。十年水蘖戰膏梁。萬
里煙波濯紈綺。歸來詩息轉清激。百丈空潭數魴鯉。近將
桂浦擷蘭蓀。不記槐堂收劒履。却思庾嶺今何在。更說彭
城真夢耳。來詩述彭城舊遊君知先竭是甘井。我願得全如苦李。
妄心不復九回腸。至道終當三洗髓。廣陵陽羨何足較。只
有無何真我里。余買田陽羨來詩以為不如廣陵樂全老子今禪伯。張安道也
定國掣電機鋒不容擬。心通豈復問云何。印可聊須答如
是。相逢為我話留滯。桃花春漲孤舟起。

泗州南山監倉蕭淵東軒二首

偶隨樵父採都梁。南山名都梁山出都梁香故也山竹屋松扉。試乞漿。但
見東軒堪隱几。不知公子是監倉。溪中亂石墻垣古。山下
寒蔬七箸香。我是江南舊遊客。挂冠知有老蕭郎。
北望飛塵苦晝霧。洗心聊復寄東齋。珍禽聲好猶思越。野
榻香清未過淮。有信微泉來遠嶺。無心明月轉空階。一官
倉廩真堪老。坐看松根絡斷崖。

泗州除夜雪中黃師是送酥酒

暮雪紛紛投碎米。春流咽咽走黃沙。舊遊似夢徒能說。逐
客如僧豈有家。冷硯欲書先自凍。孤燈何事獨成花。使君
半夜分酥酒。驚起妻孥一笑譁。

正月一日雪中過淮謁客回作

攢眉有底恨。得句不妨清。霽霧開寒谷。飢鴉舞雪城。橋聲春市散。塔影莫淮平。不用殘燈火。船窓夜自明。

孫莘老寄墨四首

徂徠無老松。易水無良工。珍材取樂浪。妙手惟潘翁。潘翁作墨

難用高麗煤魚胞熟萬杵。犀角盤雙龍。墨成不敢用。進入蓬萊宮。蓬萊春晝永。三殿明房櫺。金箋灑飛白。瑞霧縈長虹。遙

憐醉常侍一笑開天容。

谿石琢馬肝。剡藤開玉版。噓噓雲霧出。奕奕龍蛇縮。此中
有何好。秀色紛滿眼。故人歸天祿。古漆窺蠹簡。踰麋給尚
方。老手擅編刻。分餘幸見及。流落一歎嗚。

我貧如飢鼠。長夜空齧齧。瓦池研竈煇。葦管書柿葉。近者
唐夫子。遠致身玉玦。唐林夫寄張先生又繼之圭璧爛箱

篋清窓洗硯坐。虵蚓稍蟠結。便有好事人。敲門求醉帖。
吾窮本坐詩。久服朋友戒。五年江湖上。開口洗殘債。今來
復稍稍。快癢如爬疥。先生不譏訶。又復寄詩械。幽光發奇
息。點黠出荒怪。詩成一自笑。故疾逢鰕蟹。

和人見贈

只寫東坡不著名。此身已是一長亭。壯心無復春流起。衰
鬢從交病葉零。知有雪兒供筆硯。應嗤竈婦洗盆餅。回來
索酒公應厭。京口新傳作客經。

寄蘄簞與蒲傳正

蘭溪美箭不成笛。離離玉筍排霜春。千溝萬縷自生風。入
手未開先慘慄。公家列屋閑蛾眉。珠簾不動花陰移。霧帳
銀牀初破睡。牙籤玉局坐彈碁。東坡病瘦長羈旅。凍臥飢

吟似飢鼠倚賴春風洗破衾。一夜雪寒披故絮。火冷燈青誰復知。孤舟兒女自憂嚶。皇天何時反炎燠。愧此八尺黃琉璃。願公淨掃清香閣。卧聽風漪聲滿榻。習習還從兩腋生。請公乘此朝闈闕。

贈眼醫王生彥若

鍼頭如麥芒。氣出如車軸。開關絡脉中。性命寄毛粟。而况清淨眼。內景含天燭。琉璃貯沆瀣。輕脆不任觸。而子於其間。來往施鋒鏃。笑談紛自若。觀者頸爲縮。運鍼如運斤。去翳如拆屋。常疑子善幻。他技雜符祝。子言吾有道。此理君未曠。形骸一塵垢。貴賤兩草木。世人方重外。妄見瓦與玉。而我初不知。刺眼如刺肉。君看目與翳。是翳要非目。目翳苟二物。易分如麥菽。寧聞老農夫。去草更傷穀。鼻端有餘

地。肝膽分楚蜀。吾於五輪間。蕩蕩見空曲。如行九軌道。並驅無擊轂。空花誰開落。明月自臄臄。請問樂全堂。忘年老尊宿。彥若樂全先生門下醫也。

贈葛葦

竹椽茆屋半摧傾。宥向蜂窠寄此生。長恐波頭卷室去。欲將船尾載君行。小詩試擬孟東野。大草閑臨張伯英。消遣百年須底物。故應憐我不歸耕。

海市并敘

予聞登州海市舊矣。父老云。常出於春夏。今歲晚不復見矣。予到官五日而去。以不見爲恨。禱於海神廣德王之廟。明日見焉。乃作此詩。

東方雲海空。復空羣仙出。沒空明中。蕩搖浮世生。萬象豈

有貝闕藏珠宮。心知所見嗜幻影。敢以耳目煩神工。歲寒
水冷天地閉。爲我起鰲鞭魚龍。重樓翠阜出霜曉。異事驚
倒百歲翁。人間所得容力取。世外無物誰爲雄。率然有請
不我拒。信我人厄非天窮。潮陽太守南遷歸。喜見石廩堆
祝融。自言正直動山鬼。豈知造物哀龍鍾。信眉一笑豈易
得。神之報汝亦已豐。斜陽萬里孤鳥沒。但見碧海磨青銅。
新詩綺語亦安用。相與變滅隨東風。

次韻王定國得穎倅

滔滔四海我知津。每愧先生值杖芸。自少多言晚聞道。從
今閉口不論文。灑翻白獸樽中酒。歸煮青泥坊底芹。要識
老僧無盡處。牀前牛蟻不曾聞。

次韻王三宸

攜文過我治平間。霧豹當時始一斑。聞道吹噓借餘論。故
教流落得生還。清篇帶月來霜夜。妙語先春發病顏。詩酒
暮年猶足用。竹林高會許時攀。

惠崇春江曉景

竹外桃花三兩枝。春江水暖鴨先知。蒹葭滿地蘆芽短。正
是河豚欲上時。

送戴蒙赴成都玉局觀將老焉

拾遺被酒行歌處。野梅官柳西郊路。聞道華陽版籍中。至
今尚有城南杜。我欲歸尋萬里橋。水花風葉暮蕭蕭。芋魁
徑尺誰能盡。橙木三年已足燒。百歲風狂定何有。羨君今
作義眉叟。縱未家生執戟郎。也應世出埋輪守。莫欺老病
未歸身。玉局他年第幾人。會待子猷清興發。還須雪夜去。

尋君

送陳睦知潭州

華清縹渺浮高棟。上有纈林藏石甕。一杯此地初識君。千巖夜上同飛鞚。君時年少面如玉。一飲百觚嫌未痛。白鹿泉頭山月出。寒光潑眼如流汞。朝元閣上酒醒時。卧聽風鸞鳴鐵鳳。舊遊空在人何處。二十三年真一夢。我得生還雪鬣滿。君亦老嫌金帶重。有如社燕與秋鴻。相逢未穩還相送。洞庭青草渺無際。天柱紫蓋森欲動。湖南萬古一長嗟。付與騷人發嘲弄。

送賈訥倅眉

老翁山下玉淵回。手植青松三萬栽。父老得書知我在。小軒臨水為君開。試看一一龍虵活。更聽蕭蕭風雨哀。便與

甘棠同不翦。蒼髯白甲待歸來。先君墓于慕山。山之東二十餘里。地名老翁泉。君許為一往。感歎之深故反。

杜介送魚

新年已賜黃封酒。舊老仍分頰尾魚。陋巷關門負朝日。小園除雪得春蔬。病妻起斫銀絲膾。稚子謹尋尺素書。醉眼矇矓覓歸路。松江煙雨晚疎疎。

武昌西山

并敘

嘉祐中翰林學士承旨鄧公聖求為武昌令。常遊寒溪西山。山中入至今能言之。軾謫居黃岡。與武昌相望。亦常往來溪山間。元祐元年十一月二十九日考試館職。與聖求會宿玉堂。偶話舊事。聖求嘗作元次山窪樽銘。刻之巖石。因為此詩。請聖求同賦。當以遺邑人使刻之。

銘側

春江淥漲蒲萄醅。武昌官柳知誰栽。憶從樊口載春酒。步上西山尋野梅。西山一上十五里。風駕兩掖飛崔嵬。同遊困卧九曲嶺。褰衣獨到吳王臺。中原北望在何許。但見落日低黃埃。歸來解劍亭前路。蒼崖半入雲濤堆。浪翁醉處今尚在。石臼杯飲無樽罍。爾來古意誰復嗣。公有妙語留山隈。至今好事除草棘。常恐野火烧蒼苔。當時相望不可見。玉堂正對金鑾開。豈知白首同夜直。卧看椽燭高花摧。江邊曉夢忽驚斷。銅環玉鎖鳴春雷。山人帳空猿鶴怨。江湖水生鴻雁來。請公作詩寄父老。往和萬壑松風哀。

次韻劉貢父獨直省中

明窓畏日曉先噉。高柳鳴蜩午更喧。筆老新詩疑有物。心

空客疾本無根。隔牆我亦眠風榻。上馬君先瑣月軒。其喜早歸三伏近。解衣盤礴亦君恩。

書李世南所畫秋景

野水參差落漲痕。疎林欹倒出霜根。扁舟一棹歸何處。家在江南黃葉村。

人間斤斧日創夷。誰見龍蛇百尺姿。不是溪山曾獨往。何人解作挂猿枝。

和子由除夜元日省宿致齋二首

江淮流落豈關天。禁省相望亦偶然。等是新年未相見。此身應坐不歸田。

當年踏月走東風。坐看春闈鎖醉翁。白髮門生幾人在。却將新句調兒童。

慶源宣義王丈以累舉得官爲洪雅主簿雅州戶掾
遇吏民如家人人安樂之旣謝事居眉之青神瑞
草橋放懷自得。有書來求紅帶旣以遺之且作詩
爲戲請黃魯直學士秦少游賢良各爲賦一首爲

老人光華

青衫半作霜葉枯。遇民如兒吏如奴。吏民莫作官長看。我
是識字耕田夫。妻啼兒號刺史怒。時有野人來挽鬚。拂衣
自注下下考。芋魁飯豆吾豈無。歸來瑞草橋邊路。獨遊還
佩平生壺。慈母巖前自喚渡。青衣江上人爭扶。今年蠶市
數州集。中有遺民懷袴襦。邑中之黔相指似。白髯紅帶老
不癯。我欲西歸卜鄰舍。隔墻拊掌容歌呼。不學山王乘駟
馬。回頭空指黃公墟。

書林次中所得李伯時歸去來陽關二圖後二首

不見何戡唱渭城。舊人空數米嘉榮。龍眠獨識慙慙處。畫
出陽關意外聲。

兩本新圖寶墨香。樽前獨唱小秦王。爲君翻竹歸來引。不
學陽關空斷腸。

次前韻再送周正孺

東川得望郎。坐與西爭重。高風傾石室。舊學鄙文冢。蜀人
安使君。所至野不聳。竹馬迎細侯。大錢送劉寵。遙知句谿
路。老穉相扶擁。看畫古叢祠。百怪朝幽拱。牛頭與兜率。雲
木蔚堆壘。醉鄉追舊遊。筆陣賈餘勇。聊將詩酒樂。一掃簿
書冗。西風吹好句。珠玉本無踵。劉蛻文豕銘在梓州

書王定國所藏烟江疊嶂圖

王晉卿畫

江上愁心千疊山。浮空積翠如雲煙。山耶雲耶遠莫知。煙
空雲散山依然。但見兩崖蒼蒼暗絕谷。中有百道飛來泉。
縈林絡石隱復見。下赴谷口爲奔川。川平山開林麓斷。小
橋野店依山前。行人稍渡橋木外。漁舟一葉江吞天。使君
何從得此本。點綴毫末分清妍。不知人間何處有此境。徑
欲往置二頃田。君不見武昌樊口幽絕處。東坡先生留五
年。春風搖江天漠漠。暮雲卷雨山娟娟。丹楓翻鴨伴水宿。
長松落雪驚醉眠。桃花流水在人世。武陵豈必皆神仙。江
上清空我塵土。雖有去路尋無緣。還君此畫三歎息。山中
故人應有招我歸來篇。

六年正月二十日復出東門仍用前韻

亂山環合水侵門。身在淮南盡處村。五畝漸成終老計。九

重新掃舊巢痕。豈惟見慣沙鷗熟。已覺來多釣石溫。長與
東風約今日。暗香先返玉梅魂。

興龍節侍宴前一日微雪與子由同訪王定國小飲

清虛堂定國出數詩皆佳。而五言尤奇。子由又言
昔與孫巨源同過定國。感念存沒。悲歎久之。夜歸
稍醒各賦一篇。明日朝中以示定國也。

天風泚泚飛玉沙。詔恩歸沐休早衙。遙知清虛堂裏雪。正
似蒼苔林中花。出門自笑無所詣。呼酒持勸惟君家。踏冰
凌兢戰疲馬。扣門剝啄驚寒鴉。羨君五字入詩律。欲與六
出爭天葩。頭風已倩檄手愈。背癢恰得仙爪爬。銀餅瀉油
浮蟻酒。紫盃鋪粟盤。龍茶幅巾起作鷓鴣舞。疊鼓誰摻漁
陽槌。九衢燈火雜夢寐。十年聚散空咨嗟。明朝握手殿門

外共看銀闕，瞰晨霞。

王晉卿作煙江疊嶂圖，僕賦詩十四韻，晉卿和之，語特奇麗，因復次韻，不獨紀其詩畫之美，亦為道其出處契濶之故，而終之以不忘在莒之戒，亦朋友忠愛之義也。

山中舉頭望日邊，長安不見空雲烟。歸來長安望山上，時移事改應潸然。管絃去盡賓客散，惟有馬埒編金泉。渥洼故自千里足，要飽風雪輕山川。屈居華屋啗棗脯，十年俯仰龍旂前。却因病瘦出奇骨，鹽車之厄寧非天。風流文采磨不盡，水墨自與詩爭妍。畫山何必山中人，田歌自古非知田。鄭虔三絕君有二，筆勢挽回三百年。欲將巖谷亂窈窕，眉峰脩嫵誇連娟。人間何有春一夢，此身將老蠶三眠。

山中幽絕不可久，要作平地家居仙。能令水石長在眼，非君好我當誰緣。願君終不忘在莒，樂時更賦囚山篇。柳子厚有囚山賦。

夜直玉堂，攜李之儀端叔詩百餘首，讀至夜半，書其後。

玉堂清冷不成眠，伴直難呼孟浩然。暫借好詩消永夜，每逢佳處輒忝禪。愁侵硯滴初含凍，喜入燈花欲鬪妍。寄語君家小兒子，他時此句一時編。

再和劉貢父春日賜幡勝

與君流落偶還朝，過眼紛紛七葉貂。莫笑華顛飄彩勝，幾人黃壤隔青霄。行吟未許窮騷雅，坐嘯猶能出教條。記取明年江上郡，五更春枕夢春韶。

去杭十五年復遊西湖用歐陽察判韻

我識南屏金鯽魚。重來拊檻散齋餘。還從舊社得心印。似省前生覓手書。葑合平湖久蕪漫。人經豐歲尚凋疎。誰憐寂寞高常侍。老去狂歌憶孟諸。

與莫同年雨中飲湖上

到處相逢是偶然。夢中相對各華顛。還來一醉西湖雨。不見跳珠十五年。

座上借韻送司嵐軍通判葉朝奉

雲間踏白看纒旗。莫忘西湖把酒時。夢裏吳山連越嶠。樽前羗婦雜夕烽。過後人初醉。春鴈來時雪未滋。為問從軍真樂否。書來粗遣故人知。

次韻詹適宣德小飲吳亭

君方夢謫仙。來詩記李我亦弔文園。江上同三黜。天涯又一樽。濤雷殷白晝。梅雪耿黃昏。歸去多情雨。應隨御史軒。詹為御史主簿

東川清絲寄魯冀州戲贈

鵝溪清絲清如水。冰上有千歲交枝藤。藤生谷底飽風雪。歲晚忽作龍蛇升。嗟我雖為老侍從。骨寒只愛布與繒。牀頭錦衾未還客。坐覺芒刺在背膺。豈如髯卿晚乃貴。福祿正似川方增。醉中倒着紫綺裘。下有半臂出縹綾。封題不敢妄裁翦。刀尺自有佳人能。遙知千騎出清曉。積雪未放游塵興。白須紅帶柳絲下。老弱空巷人相登。但放奇紋出領袖。吾髯雖老無人憎。

次韻劉景文周次元寒食同游西湖

絮飛春減不成年。老境同乘下瀨船。藍尾忽驚新火後。寒食詩云三盃盞尾酒一碟膠牙餠遊頭要及浣花前。成都太守自正月二十九日出遊至四月十九日浣花山西老將詩無敵。洛下書生語更妍。共向北山尋二士。畫橈鼉鼓聒清眠。

次韻林子中王彥祖唱酬

早知身寄一漚中。晚節尤驚落木風。近聞莘老公擇皆逝故有此句昨夢已論三世事。歲寒猶喜五人同。軾與子中彥祖子敦完大詞試舉人景德寺今皆健雨餘北固山圍座。春盡西湖水映空。差勝四明狂監在。更將老眼犯塵紅。

次韻曹輔寄壑源試焙新芽

仙山靈雨濕行雲。洗遍香肌粉未勻。明日來投玉川子。清風吹破武林春。要知玉雪心腸好。不是膏油首面新。戲作

小詩君一笑。從來佳茗似佳人。

次韻劉景文登介亭

澤國梅雨餘。衰年困烝溽。高堂磨新塼。頗覺利腰足。松根百尺井。兩綆飛淨淥。流觴聚兒童。一笑為捧腹。清風信可馭。剛氣在巖麓。始知其此世。物外無三伏。長歌入雲去。不待絃管逐。西湖真西子。煙樹點眉目。濤江少醞藉。高浪翻雪屋。俛仰拊四海。百世飛鳥速。遠追錢氏餘。近弔祖侯躅。吾生如寄耳。寸晷輕尺玉。誰似劉將軍。逸韻謝邊幅。千言一揮手。五車不再讀。春巖彩雞舞。月峽哀猿哭。朝先啼鳩起。莫與寒蟻續。我老廢吟哦。賴君時擊觸。從今事遠覽。發軔此幽谷。清遊得三昧。至樂謝五欲。莫作狂道士。氣壓劉師服。

次韻蘇伯固主簿重九

雲間朱袖拂雲和。知是長松挂女蘿。髻重不嫌黃菊滿。手
香新喜綠橙搓。墨翻衫袖吾方醉。紙落雲煙子惠多。只有
黃鷄與白髮。玲瓏應識使君歌。

再和楊公濟梅花

人去殘英滿酒樽。不堪細雨濕黃昏。夜寒那得穿花蝶。知
是風流楚客魂。北客南來豈是家。醉看參月半橫斜。他年欲識吳姬面。采
燭三更對此花。

予去杭十六年而復來留二年而去平生自覺出處
老少粗似樂天雖才名相遠而安分寡求亦庶幾
焉三月六日來別南北山諸道人與下天竺惠

師話舊

當年衫鬢兩青青。強說重臨慰別情。衰髮祇今無可白。故
應相對話來生。

元祐六年六月自杭州召還汝公館我於東堂閱舊
詩卷次諸公韻二首

半熟黃粱日未斜。玉堂陰合手栽花。却尋三十年前味。來
飯鐘聲已飯茶。尺一東來喚我歸。衰年已迫故山期。文章曹植今堪笑。却
卷波瀾入小詩。

次韻劉景文見寄

淮上東來雙鯉魚。巧將書信渡江湖。細看落墨皆松瘦。想
見掀髯正鶴孤。烈士家風安用此。書生習氣未能無。莫因

老驥息千里。醉後哀歌缺唾壺。

歐季默以油煙墨二丸見餉。各長寸許。戲作小詩。書窓拾輕煤。佛帳掃餘馥。辛勤破千夜。收此一寸玉。癡人畏老死。腐朽同草木。欲將東山松。湮盡南山竹。墨堅人苦脆。未用歎不足。且當注蟲魚。莫草三千牘。

聚星堂雪 并敘

元祐六年十一月一日。禱雨張龍公得小雪。與客會飲聚星堂。忽憶歐陽文忠公作守時。雪中約客賦詩。禁體物語於艱難中。特出奇麗。爾來四十餘年。莫有繼者。僕以老門生。繼公後。雖不足追配先生。而賓客之美。殆不減當時。公之二子。又適在郡。故輒舉前令。各賦一篇。以爲汝南故事云。

窓前暗響鳴枯葉。龍公試手行初雪。

態斜飛正愁絕。衆賓起舞風竹亂。

恨無

翠袖點橫斜。祇有微燈照明滅。歸來尚喜更鼓永。晨起不待鈴索掣。未嫌長夜作衣被。却怕初陽生眼纈。欲浮大白追餘賞。幸有回飈驚落屑。模糊檜頂獨多時。歷亂瓦溝裁一瞥。汝南先賢有故事。醉翁詩話誰續說。當時號令君聽取。百戰不許持寸鐵。

喜劉景文至

天明小兒便傳呼。髯劉已到城南隅。尺書真是髯手迹。起坐鬢眼知有無。今人不作古人事。今世有此古丈夫。我聞其來喜欲舞。病自能起不用扶。江淮早久塵土惡。朝來清雨濯髣髴。相看握手了無事。千里一笑無乃迂。平生所樂

在吳會老死欲葬杭與蘇過江西來二百日冷落山水愁
吳姝新堤舊井各無恙參寥六一豈念吾別後新詩巧摹
寫袖中知有錢塘湖

和劉景文見贈

元龍本志陋曹吳豪氣崢嶸老不除失路今為噲等伍作
詩猶似建安初西來為我風鰲面獨卧無人雪竊廬留子
非為十日飲要令安世誦亡書

次前韻送劉景文

白雲在天不可呼明月豈肯留庭隅怪君西行八百里清

坐十日一事無路人不識呼尚書但見凜凜雄千夫君一馬

僕率然相訪逆旅多呼尚書意謂君都頃也豈知入骨愛詩酒醉倒正欲蛾眉

扶一篇向人寫肝肺四海知我霜鬢鬚君前有詩見寄云四海共知

重陽曾稱菊花無歐陽趙陳皆我有豈謂夫子駕復迂爾來又見

三黜柳共此暖熱餐瓊蘇酒殺酸薄紅粉暗祇有穎水清

而姝一朝寂寞風雨散對影誰念月與吾郡中口與歐陽叔弼趙景貺陳

履常相從而景文復至不數日柳戒之亦見過賓客之盛頃所未有然不數日叔弼景文戒之皆去矣何時

歸帆沂江水春酒一變甘棠湖景文近卜居九江近甘棠湖

新渡寺席上次趙景貺陳履常韻送歐陽叔弼比來

諸君唱和叔弼但袖手旁睨而已臨別忽出一篇

頗有淵明風致坐皆驚歎

神屠不目全妙頰惟粧半更刀乃族庖倚市必醜悍平生
魏公籌忽斲郢人墁詩書亦何用適道須此館多言雖數
窮微中或排難子詩如清風寥寥發將旦胡為久閉匿綺
語真自患許時笑我癡隔屋相咏歎竟識彥道否絕叫呼

東坡詩金
百萬清朝固多士。入門子皆冠。莫言清潁水。從此隔河漢。
異時我獨來。得魚楊柳貫。持歸不忍食。尺素解悽斷。中有
清圓句。銅丸飛柘彈。春愁結凌澌。正待一笑泮。百篇儻寄
我。呻吟鄭人緩。

次韻趙景貺春思且懷吳越山水

歲華來無窮。老眼久已靜。春風如繫馬。未動意先騁。西湖
忽破碎。鳥落魚動鏡。縈城理枯瀆。放闌起膠艇。願君營此
樂。宦事何時竟。清河西湖三開督君成之思吳信偶然。出處付前定。飄
然不繫舟。乘此無盡興。醉翁行樂處。草木皆可敬。明朝遊
北渚。急掃黃葉徑。白酒真到齊。紅裙已放鄭。酒尚有香泉一壺為樂全先生服不作樂也

和陳傳道雪中觀燈

新年樂事歎何曾。閉閣燒香一病僧。未忍便傾澆別酒。且
來同看照愁燈。頽魚躍處新亭近。湖雪消時畫舫升。祇恐
樽前無此客。清詩還有士龍能。

病中夜讀朱博士詩

病眼亂燈火。細書數塵沙。君詩如秋露。淨我空中花。古語
多妙寄。可識不可誇。巧笑在頰頰。哀音餘摻撻。曾坑一掬
春。紫餅供千家。懸知貴公子。眼無真茶崎。嘔爛石上得
此一寸芽。緘封勿浪出。湯老客未嘉。

送晁美叔

我年二十無朋儔。當時四海一子由。君來扣門如有求。願
然病鶴清而脩。醉翁遣我從子游。翁如退之蹈軻丘。尚欲
放予出一頭。嘉祐初。軾與子由寓興國塔室。美叔忽見訪云。君從歐陽公游久矣。公令我來與子定交。

謂子必名世。老夫亦須放他出一頭地。酒醒夢斷四十秋。病鶴不病骨愈蚪。惟有我顏老可羞。醉翁賓客散九州。幾人白髮還相收。我如懷祖拙自謀。正作尚書已過優。君求會稽寔良籌。往看萬壑爭交流。君近乞越州。

僕所藏仇池石希代之寶也。王晉卿以小詩借觀。意在於奪。僕不敢不借。然以此詩先之。

海石來珠宮。秀色如蛾綠。坡陀尺寸間。宛轉陵巒足。連娟二華頂。空洞三茆腹。初疑仇池化。又恐瀛洲蹙。慙慙嶠南使。餽餉淮東牧。僕在揚州。程德孺由南解官。以此石見遺。得之喜無寐。與汝交不續。盛以高麗盆。藉以文君玉。僕以高麗所鑄大銅盆附其足。幽光先五夜。冷氣壓三伏。老人生如寄。衡茆久未卜。一夫幸可致。千里還相逐。風流貴公子。窟謫武當谷。見

山應已厭。何事奪所欲。欲留嗟趙弱。寧許負秦曲。傳觀慎勿許。問道歸更速。

王晉卿示詩。欲奪海石。錢穆父王仲至蔣穎叔皆次韻。穆至二公以為不可許。獨穎叔不然。今日穎叔見訪。親觀此石之妙。遂悔前語。軾以謂晉卿豈可終閉不予者。若能以韓幹二散馬易之者。蓋可許也。復次前韻。

相如有家山。縹渺在眉綠。誰云千里遠。寄此一顰足。平生錦繡腸。蚤歲藜莧腹。從教四壁空。未遣兩峰蹙。吾今况衰病。義不忘樵牧。逝將仇池石。歸岷山瀆。守子不貪寶。完我無瑕玉。故人詩相戒。妙語予所伏。一篇獨異論。三占從兩卜。君家畫可數。天驥紛相逐。風鬣掠原野。電尾梢澗谷。

東坡詩集 卷之十一
君如許相易。是亦我所欲。今朝安西守。來聽陽關曲。勸我留此峰。他日來不速。

軾欲以石易畫。晉卿難之。穆父欲兼取二物。穎叔欲

焚畫碎石。乃復次前韻。并解三詩之意。

春水無真堅。露葉失故綠。鷓鴣疑鵬萬里。螭笑夔一足。二豪

爭攘袂。先生一捧腹。明鏡既無臺。淨瓶何用甕。古蹟通盆山

不可隱。畫馬無由牧。聊將置庭宇。何必棄溝瀆。焚寶真愛

寶。碎玉未忘玉。久知公子賢。出語者年伏。欲觀博物妙。故

以求馬下。維摩既復捨。天女還相逐。授之無盡燈。照此久

幽谷。定心無一物。法樂勝五欲。三峨岩鄉井。萬里君部曲。

卧雲行歸休。破賊見神速。晉卿將種。常有此志。

上元侍飲樓上二首呈同列

薄雪初消野未耕。賣薪買酒看升平。吾君勤儉倡優拙。自是豐年有笑聲。

老病行穿萬馬羣。九衢人散月紛紛。歸來一點殘燈在。猶

有傳柑遺細君。待飲樓上則貴戚爭以黃柑遺近臣。謂之傳柑。蓋尚矣。

七年九月自廣陵召還。復館于浴室東堂。八年六月

乞會稽。將去。汝公乞詩。乃復用前韻。

乞郡三章字半斜。廟堂傳笑眼昏花。上人問我遲留意。待

賜頭綱八餅茶。尚書學士得賜頭綱龍茶一斤八餅。今年

夢遶吳山却月廊。白梅盧橘覺猶香。杭州梵天寺有月廊。數百間。寺中多白梅。

盧橘。會稽且作須臾意。從此歸田策最良。

東南此去幾時歸。倦鳥孤雲豈有期。斷送一生消底物。三

年光景六篇詩。

寄錫合刷餅與子由

老人心事日摧頽。宿火添紅手自焙。小甌短餅良具足。穉兒嬌女共燔煨。寄君東閣閑烝栗。知我空堂坐畫灰。約束家僮好收拾。故山梨棗待翁來。

次韻劉濤撫寄蜜漬荔枝

時新滿座聞名字。別久何人記色香。葉似楊梅烝霧雨。花如盧橘傲風霜。每憐尊菜下鹽豉。肯與蒲萄壓酒漿。回首驚塵卷飛雪。詩情真合與君嘗。

子由生日以檀香觀音像及新合印香銀篆繫為壽。旃檀婆律海外芬。西山老躄栢所薰。香螺脫厖來相羣。能結縹眇風中雲。一燈如螢起微燄。何時度盡繆篆紋。繚繞無窮合復分。綿綿浮空散氤氳。東坡詩是壽卯君。君少與

我師皇墳。旁資老聃釋迦文。其厄中年黠蠅蚊。晚遇斯須何足云。君方論道承華勛。我亦旗鼓嚴中軍。國恩當報敢不勤。但願不為世所醺。爾來自髮不可耘。問君何時返鄉枌。收拾散亡理放紛。此心實與香俱烈。聞息大士應已聞。

次韻李端叔謝送牛斝鴛鴦竹石圖

聞君談西。廢食忘蚤晚。王師本不陳。賊壘何足剗。守邊在得士。此語要而簡。知君論將口。似我識畫眼。笑指塵壁間。此是老牛斝。平生師衛玠。非意常理遣。訴君定何人。未用市朝顯。置之勿復道。世俗固多舛。歸去亦何須。單車渡穀池。如蟲得羽化。已脫安用重。家書空萬軸。涼驟困舒卷。念當掃長物。閉息默自煖。此畫聊付君。幽處得小展。新詩勿縱筆。羣吠驚邑犬。時來未可知。妙斲待輪扁。

過湯陰市得豌豆大麥粥示三兒子

朔野方赤地。河濡俱黃塵。秋霖暗豆漆。夏旱耀麥人。逆旅
唱晨粥。行庖得時珍。青班照匕筯。脆響鳴牙齦。玉食謝故
吏。風餐便逐臣。漂零竟何適。浩蕩寄此身。爭勸加飲食。實
無負吏民。何當萬里客。歸及三年新。

子由新脩汝州龍興寺吳畫壁

丹青久衰工不執。人物尤難到今世。每摹市井作公卿。畫
手懸知是徒隸。吳生已與不傳死。那復典刑留近歲。人間
幾處變西方。盡作波濤翻海勢。細觀手面分轉側。妙算毫
釐得天契。始知真放本精微。不比狂花生客慧。似聞遺墨
留汝海。古壁蝸涎可垂涕。力捐金帛扶棟宇。錯落浮雲卷
新霽。使君坐歎清夢餘。幾疊衣紋數襟袂。他年弔古知有

人姓名聊記東坡弟

慈湖夾阻風二首

此生歸路愈茫然。無數青山水拍天。猶有小船來賣餅。喜
聞墟落在山前。

我行都是退之詩。真有人家水半扉。千頃桑麻在船底。空
餘石髮挂魚衣。

卧看落月橫千丈。起喚清風得半帆。且並水村欹側過。人
間何處不巉巖。

秧馬歌并引

過廬陵見宣德郎致仕曾君安止所出作禾譜文既溫
雅事亦詳實惜其有所缺不譜農器也予昔遊武昌見
農夫皆騎秧馬以榆棗為腹欲其滑以楸桐為背欲其

輕腹如小舟，昂其首尾，背如覆瓦，以便兩髀，雀躍于泥中，繫束葉其首，以縛秧，日行千畦，較之偃僂而作者，勞佚相絕矣。史記禹乘四載，泥行乘橈，解者曰：橈形如箕，摘行泥上，豈秧馬之類乎？作秧馬歌一首，附于禾譜之末云。

春雲濛濛雨淒淒，春秋欲老翠剡齊。嗟我婦子行水泥，朝分一壟暮千畦。腰如筮篲首啄雞，筋煩骨殆聲酸嘶。我有桐馬手自提，頭尻軒昂腹脇低。背如覆瓦去角圭，以我兩足爲四蹄。聳踊滑汰如鳧鷖，纖纖束藁亦可齋。何用繁纓與月題，揭從畦東走畦西。山城欲閉聞鼓鼙，忽作的盧躍檀溪。歸來挂壁從高栖，了無芻秣飢不啼。少壯騎汝逮老鷲，何曾蹶軼防顛擠。錦韉公子朝金闈，笑我一生蹋牛犁。

不知自有木馱駝

蘇亦八月七月初入贛過惶恐灘

七千里外二毛人，十八灘頭一葉身。山憶喜歡勞遠夢，蜀道有錯喜歡鋪地名惶恐泣孤臣。長風送客添帆腹，積雨扶舟減石鱗。便合與官充水手，此生何止略知津。

天竺寺

并引

予年十二先君自虔州歸爲予言近城山中天竺寺有樂天親書詩云：一山門作兩山門，兩寺元從一寺分。東澗水流西澗水，南山雲起北山雲。前臺花發後臺見，上界鐘清下界聞。遙想吾師行道處，天香桂子落紛紛。筆勢奇逸墨迹如新，今四十七年矣。予來訪之，則詩已亡。有刻石存耳，感涕不已，而作是詩。

香山居士留遺迹。天竺禪師有故家。空咏連珠吟疊壁。已
亡飛鳥失驚蛇。林深野桂寒無子。雨浥山薑病有花。四十
七年真一夢。天涯流落涕橫斜。

舟行至清遠縣見顧秀才極談惠州風物之美

到處聚觀香案吏。此邦宜着玉堂仙。江雲漠漠桂花濕。海
雨儵儵荔子然。聞道黃柑常抵鵲。不容朱橘更論錢。恰從
神虎來弘景。便向羅浮見稚川。

廣州蒲間寺地產菖蒲十二節相傳安期生之數居
始皇訪之於此

不用山僧導我前。自尋雲外出山泉。千章古木臨無地。百
尺飛濤瀉漏天。舊日菖蒲方士宅。後來薔蔔祖師禪。而今
祇有花含笑。笑道秦皇欲學仙。山中多含笑花

朝雲詩并引

世謂樂天有弼駱馬放楊柳枝詞嘉其主老病不忍去
也然夢得有詩云春盡絮飛留不得隨風好去落誰家
樂天亦云病與樂天相伴住春隨樊子一時歸則是樊
素竟去也予家有數妾四五年相繼辭去獨朝雲者隨
予南遷因讀樂天集戲作此詩朝雲姓王氏錢塘人嘗
有子曰幹兒未替而天云

不似楊枝別樂天。恰如通德伴伶玄。阿奴絡秀不同老。天
女維摩總解禪。經卷藥爐新活計。舞衫歌扇舊因緣。丹成
逐我三山去。不作巫陽雲雨仙。

十一月二十六日松風亭下梅花盛開

春風嶺上淮南村。昔年梅華曾斷魂。予昔赴黃州春風嶺
上見梅花有兩絕句
明年正月往岐亭道中賦詩云去
年今日開山路細雨梅花正斷魂。豈知流落復相見。蠻風

更支寺少

七十一

東坡詩集
雨愁黃昏長條半落荔支浦卧樹獨秀枕榔園豈惟幽
光留夜色直恐冷艷排冬溫松風亭下荆棘裏兩株玉蕊
明朝瞰海南仙雲嬌墮砌月下縞衣來扣門酒醒夢覺起
繞樹妙意有在終無言先生獨飲勿歎息幸有落月窺清
樽

再用前韻

羅浮山下梅花村玉雪爲骨冰爲魂紛紛初疑月挂樹耿
耿獨與參橫昏先生索居江海上怕如病鶴栖荒園天香
國艷官相顧知我酒熟詩清溫蓬萊宮中花鳥使綠衣倒
挂扶桑暎抱叢窺我方醉倒故遣啄木先敲門麻姑過君
急酒掃身能歌舞花能言酒醒人散山寂寂惟有落蓋粘
空樽嶺南珍禽有倒挂子綠毛紅象如鸚鵡而小自海東
來非塵埃間物也

新釀桂酒

擣香篩辣入餅盆盎盎春溪帶雨渾收拾小山藏社甕招
呼明月到芳樽酒材已遣門生致菜把仍叨地主恩爛煮
葵羹斟桂醕風流可惜在蠻村

花落復次前韻

玉妃謫墮煙雨村先生作詩與招魂人間草木非我對奔
月偶挂成幽昏闔香入戶尋短夢青子綴枝留小園披衣
連夜喚客飲雪膚滿地聊相溫松明照坐愁不睡井花入
腹清而噉先生年來六十化道眼已入不二門多情好事
真習氣惜花未忍終無言留連一物吾過矣笑領百罰空
罇

詹守攜酒見過用前韻作詩聊復和之

箕踞狂歌老瓦盆。燎毛燔肉似羗渾。傳呼草市來攜客。洒掃漁磯共置樽。山下黃童爭看舞。江干白骨已銜恩。時詹方議孤雲落日西南望。長羨歸鴉自識村。

寄鄧道士 并引

羅浮山有野人相傳葛稚川之隸也。鄧道士守安山中。有道者也。嘗於庵前見其足迹長二尺許。紹聖二年正月十日。予偶讀韋蘇州寄全椒山中道士詩云。今朝郡齋冷。忽念山中客。澗底束荆薪。歸來煮白石。遙持一樽酒。遠慰風雨夕。落葉滿空山。何處尋行迹。乃以酒一壺。仍依蘇州韻作詩寄之云。一杯羅浮春。遠餉採薇客。遙知獨酌罷。醉卧松下石。幽人不可見。清嘯聞月夕。聊戲庵中人。空飛本無迹。

上元夜

前年侍玉輦。端門萬枝燈。璧月挂果懸。珠星綴觚稜。去年中山府。老病亦霄興。牙旗穿夜市。鐵馬響春冰。今年江海。上雲房。寄山僧。亦復舉膏火。松間見層層。散策枕榔林。疎月鬢髻使。君置酒罷。簫鼓轉松陵。狂生來索酒。費道人也舉輒數升。浩歌出門去。我亦歸蒼騰。

正月二十四日與兒子過賴仙芝玉原秀才僧曇穎行全道士何宗一同遊羅浮道院及栖禪精舍過作詩和其韻寄邁迨

斷橋隔勝踐。脫屣欣小憇。瘴花已繁紅。官柳猶疎細。斜川二。三子。掉歎吾年逝。淒涼羅浮館。風壁頽雨砌。黃冠常苦飢。迎客羞破袂。仙山在何許。歸鶴時墮毳。崎嶇捨松黃。欲

救齒髮弊坐令禪客笑一夢等千歲栖禪晚置酒蠻果聚
奠荔齋厨釜無羨野餽籃有蕙嬉遊趁時節俯仰了此世
猶當洗業障更作臨水禊寄書陽羨兒并語長頭弟門戶
各努力先期畢租稅

正月二十六日偶與數客野步嘉祐僧舍東南野人

家雜花盛開扣門求觀主人林氏媪出應白髮青
裙少寡獨居三十年矣感歎之餘作詩記之

縹帶細枝出絳房綠陰青子送春忙涓涓泣露紫含笑焰
焰燒空紅佛桑落日孤煙知客恨短籬破屋爲誰香主人
白髮青裙袂子美詩中黃四娘

追餞正輔表兄至博羅賦詩爲別

孤城南遊墮黃管君亦何事來牧蠻艤舟蟹尸龍岡窟置

酒柳葉梳榔間高談已笑衰語陋傑句尤覺清詩孱博羅
小縣僧舍古我不忍去君忘還君應回望秦與楚夢涉漢
水愁秦關我亦坐念高安客神遊黃檗叅洞山何時曠蕩
洗瑕謫與君歸駕相追攀梨花寒食隔江路兩山遙對雙
烟鬟歸耕不用一錢物惟要兩脚飛屣顏玉林丹鏃記分
我助我金鼎光爛斑

真一酒并引

米麥水三一而已此東坡先生真一酒也

撥雪披雲得乳泓蜜蠶又欲醉先生

真一色味頗類予在黃州日所醞蜜酒也

稻垂麥仰陰陽足器潔泉新表裏清曉日着顏紅有暈春
風入髓散無聲人間真一東坡老與作青州從事名

游博羅香積寺并引

東坡詩少

寺去縣七里三山大牙夾道皆美田麥禾甚茂寺下谿水可作碓磨若築塘百步閘而落之可轉兩輪舉四杵也。以屬縣令林抃使督成之。

二年流落鼉魚鄉。朝來喜見麥吐芒。東風搖沙舞淨綠。初日泫露酣嬌黃。汪汪春泥已沒膝。剌剌秋穀初分秧。誰言萬里出無友。見此二美喜欲狂。三山屏擁僧舍小。一谿雷轉松陰涼。要令水力供磴磨。與相地脉增隄防。霏霏落雪看收麪。隱隱疊鼓聞舂糠。散流一啜雲子白。炊裂十字瓊肌香。豈惟牢丸薦古味。東晉餅賦云漫頭薄持起搜牢丸要使真一流仙漿。詩成捧腹便絕倒。書生說食真膏肓。

連雨江漲

越井岡頭雲出山。祥柯江上水如天。淋淋避漏幽人屋。浦

浦移家艇子船。龍卷魚鰕并雨落。人隨雞犬上牆眠。祇應樓下平階水。長記先生過嶺年。

四月初食荔支

南村諸楊北村盧。謂楊梅盧橋也白花青葉冬不枯。垂黃綴紫煙雨裏。特與荔支為先驅。海山仙人絳羅襦。紅紗中單白玉膚。不須更待妃子笑。風骨自是傾城姝。不知天工有意無。遣此尤物生海隅。雲山得伴松檜老。霜雪自困楂梨麓。先生洗瓊酌桂醕。冰盤薦此頰虬珠。似開江鱈斫玉柱。更洗河豚烹腹腩。予嘗謂荔支厚味高格兩絕果中無此惟江鱈在河豚魚近之耳我生涉世本為口。一官久已輕尊鱸。人間何者非夢幻。南來萬里真良圖。

梳櫛杖寄張文潛一首。時初聞黃魯直遷黔南范淳

父九疑也

睡起風清酒在亡。身隨殘夢兩茫茫。江邊曳杖梳榔瘦。林下尋苗蕞撥香。獨步儻逢响屨令。遠來莫恨曲江張。遙知魯國真男子。獨憶平生盛孝章。

同正輔表兄游白水山

偉哉造物真豪縱。攫土搏沙為此弄。擘開翠峽走雲雷。截破奔流作潭洞。因隨化人履巨迹。得與仙兄攝飛鞚。曳杖不知巖谷深。穿雲但覺衣裘重。坐看驚鳥投霜葉。知有老蛟蟠石甕。金沙玉礫粲可數。古鏡寶奩寒不動。念兄獨立與世疎。絕境難到惟我共。永辭角上兩蠻觸。一洗胷中九雲夢。浮來山高回望失。武陵路絕無人送。筠籃擲翠爪。甲香素纒分碧銀。餅凍歸路霏霏湯谷暗。野堂活活神泉涌。

解衣浴此無垢人。身輕可試雲間屨。

次韻正輔同游白水山

祇知楚越為天涯。不知肝膽非一家。此身如綫自縈繞。左回右轉隨練車。誤拋山林入朝市。平地咫尺千褒邪。欲從稚川隱羅浮。先與靈運開永嘉。首參虞舜歆韶石。次謁六祖登南華。仙山一見五色羽。雪樹兩摘南枝花。赤魚白蟹筋屨下。黃柑綠橘籩常加。糖霜不待蜀客寄。荔支莫信閩人誇。恣傾白蜜收五稜。細斲黃土栽三桮。正輔分人參一苗歸種韶陽來詩本用礪字。惠州無書不見。此字所出。故且從木奉和。朱明洞裏得靈草。翩然放杖凌蒼霞。豈無軒車駕熟鹿。亦有鼓吹號寒蛙。仙人勸酒不用勺。石上自有樽罍窪。徑從此路朝玉闕。千里莫遣毫釐差。故人日夜望我歸。相迎欲到長風沙。豈知乘槎天女側。

獨倚雲機看織紗。世間誰似老兄弟。篤愛不復相疵瑕。相
攜行到水窮處。庶幾一見留子嗟。千年枸杞常夜吠。無數
草棘工藏遮。但令凡心一洗濯。神人仙藥不我遐。山中歸
來萬想滅。豈復回顧雙雲鴉。

十一月九日夜夢與人論神仙道術。因作一詩八句。

既覺頗記其語。錄呈子由弟。後四句不甚明了。今
足成之耳。

析塵妙質本來空。夢中於此句若有所得者。更積微陽一綫功。照夜
一燈長耿耿。閉門千息自濛濛。養成丹竈無煙火。點盡人
間有暈銅。寄語山神停伎倆。不聞不見我何窮。

雨後行菜

夢回聞雨聲。喜我菜甲長。平明江路濕。並岸飛兩漿。天公

真富有。膏乳瀉黃壤。霜根一蕃滋。風葉漸俯仰。未任筐筥
載。已作杯案想。艱難生理窄。一味敢專饗。小摘飯山僧。清
安寄真賞。芥藍如菌蕈。脆美牙頰響。白菘類羔豚。冒土出
蹠掌。誰能視火候。小竈當自養。

新年

曉雨暗人日。春愁連上元。水生挑菜渚。煙濕落梅村。小市
人歸盡。孤舟鶴蹋翻。猶堪慰寂寞。漁火亂黃昏。
海國空自暖。春山無限清。冰谿結瘴雨。雪菌到江城。更待
輕雷發。先催凍笋生。豐湖有藤菜。似可敵蓴羹。

二月八日與黃燾僧曇穎過逍遙堂。何道士宗一問
疾。

安心守玄牝。閉眼覓黃庭。問疾來三士。澆愁有半餅。風松

時落藥病鶴不梳翎樽空我歸去山月照君醒

次韻高要令劉湜峽山寺見寄

新聞妙無多舊學閑可束猶當隱季生未遽逃梅福空腸吐餘息靜似蠶綴簇寸田結初果秀若銅生綠荆棘掃誠盡梨棗憂不熟高人寧鑄金下士乃服玉君看嶺嶠隘我欲巾笥蓄曾攀羅浮頂亦到朱明谷旋觀真歷塊歸卧甘破屋故人老猶仕世味薄如穀偶從越女笑不怕蠻江浴驚聞尺書到喜有新詩辱應憐五管客曾作八州督骨消讒口鏢膽破獄吏酷隴雲不易寄江月乃可掬遙知清遠寺不稱空洞腹蹇驢步武碎短瑟絃柱促仰看泉落珮俯聽石響轂千峰瀉清駛一往無回腸狂雷失晤語過電不容目要知僧長飢正坐山少肉人間無南北蝸角空出縮

仇池九十九

仇池有九十九泉子嘗夢至有詩

嵩山三十六

子由近買因陽翟北望嵩

山甚近

天人同一夢仙凡無兩錄陋邦真可老生理亦粗足

便回熱天焰長作照海燭

燕天焰見退之詩近黃魯直寄詩云蓮花合裏一寸燭北馬海

中燒百川魯直蓋近有得也

遷居

有別

吾紹聖元年十月二日至惠州寓合江樓是月十八日遷于嘉祐寺二年三月十九日復遷于合江樓三年四月二十日復歸于嘉祐寺時方卜築白鶴峰之上新居成庶幾其少安乎前年家水東回首夕陽麗去年家水西濕面春雨細東西兩無擇緣盡我輒逝今年復東徙舊館聊一憇已買白鶴峰規作終老計長江在北戶雪浪舞吾砌青山滿墻頭髮鬢幾雲髻雖慙抱朴子金鼎陋蟬蛻猶賢柳州廟俎薦

丹荔吾生本無待。俯仰了此世。念念自成劫。塵塵各有際。下觀生物息。相吹等蚊蚋。

丙子重九

三年瘴海上。越嶠真我家。登山作重九。巒菊秋未花。唯有黃茱根。堆壠生物家。涎酒藥衆毒。酸甜如梨樞。何以侑一樽。隣翁餽毒蛇。亦復強取醉。歡謠雜悲嗟。今年吁惡歲。僵仆如亂麻。此會我雖健。狂風卷朝霞。使我如霜月。孤光挂天涯。西湖不欲往。墓樹號寒鴉。

白鶴峰新居欲成夜過西鄰翟秀才

林行婆家初閉戶。翟夫子舍尚留關。連娟缺月黃昏後。縹眇新居紫翠間。繫悶豈無羅帶水。韓退之云。水作青碧。玉簪。割愁還有劔鉞山。柳子厚云。海上尖峰若劔鉞。秋來處處割愁腸。皆嶺南詩也。中原北望無

歸日鄰火村春自往還

次韻子由所居二首

先生飯土墼。無物與劉艾。何以娛醉客。時艤砌下花。井水分西鄰。竹陰借東家。蕭然行脚僧。一身寄天涯。新居已覆瓦。無復風雨憂。禮栽與籠竹。小詩亦可求。尚欲煩貳師。刻山出飛流。應須鑿百尺。兩縛載一牛。

循守臨行出小槩復用前韻

學語雛鸞在柳陰。臨行呼出翠帷深。通家不隔同年面。二年得路方知異日心。趁着春衫游上苑。要求國手教新音。嶺梅不用催歸騎。截鐙須防舊所臨。循守近為韻

種茶

松間旅生茶。已與松俱瘦。茨棘尚未容。蒙翳爭交構。天公

所遺棄百歲仍穉幼紫筍雖不長孤根乃獨壽移栽白鶴
嶺土軟春雨後彌旬得連陰似許晚遂茂能忘流轉苦戢
戢出鳥味未任供白磨且作資摘嗅千團輸大官百餅銜
私鬪何如此一啜有味出吾圍

白鶴山新居鑿井四十尺遇盤石石盡乃得泉

海國困蒸溽新居利高寒以彼陟降勞易此寢處乾但苦
江路峻常慙汲腰酸矻矻煩四夫磽磽斲層巒彌旬得尋
丈下有青石盤終日但迸火何時見飛瀾豐我粢與醪利
汝椎與鑕山石有時盡我意殊未闕今朝僮僕喜黃土復
可搏晨餅得雪乳莫甕淳冰湍我生類如此何適不艱難
一勺亦天賜曲肱有餘歡

三月二十九日

南嶺過雲開紫翠北江飛雨送淒涼酒醒夢回春盡日閉
門隱几坐燒香

行瓊儋間肩輿坐睡夢中得句云千山動鱗甲萬谷
酣笙鐘覺而遇清風急雨戲作此數句

四州環一島百洞蟠其中我行西北隅如度月半弓登高
望中原但見積水空此生當安歸四顧真途窮眇觀大瀛
海坐詠談天翁茫茫太倉中一米誰雌雄幽懷忽破散永
嘯來天風千山動鱗甲萬谷酣笙鐘安知非羣仙釣天宴
未終喜我歸有期舉酒屬青童急雨豈無意催詩走羣龍
夢雲忽變色笑雷亦改容應怪東坡老顏衰語徒工久矣
此妙聲不聞蓬萊宮

遷居之夕聞鄰舍兒誦書欣然而作

幽居亂蛙黷生理半人禽。竟然已可喜。况聞弦誦音。兒聲
自員美。誰家兩青衿。且欣習齊咻。未敢笑越吟。九齡起韶
石。姜子家日南。吾道無南北。安知不生今。海濶尚挂斗。天
高欲橫參。荆榛短墻缺。燈火破屋深。引書與相和。置酒仍
獨斟。可以侑我醉。琅然如玉琴。

聞子由瘦

儻耳至難得肉食。

五日一見花豬肉。十日一遇黃雞粥。土人頓頓食諸芋。薦
以熏鼠燒蝙蝠。舊聞蜜唧嘗嘔吐。稍近蝦蟇緣習俗。十年
京國厭肥瘠。日日烝花壓紅玉。從來此腹負將軍。今者固
宜安脫粟。俗諺云。大將軍食飽。捫腹而歎曰。我不負汝。左
右曰。將軍固不負此腹。此腹負將軍。未嘗出少
智慮。人言天下無正味。卽且未遽賢麋鹿。海康別駕復何
爲。帽寬帶落驚僮僕。相看會作兩臞仙。還鄉定可騎黃鵠。

宥老楮

我墻東北隅。張王維老穀。樹先樗櫟大。葉等桑柘沃。流膏
馬乳漲。墮子楊梅熟。胡爲尋丈地。養此不材木。蹶之得輿
薪。規以種松菊。靖言求其用。略數得五六。膚爲蔡侯紙。子
入桐君錄。黃繒練成素。黝面頰作玉。灌洒烝生菌。腐餘光
吐燭。雖無傲霜節。幸免狂醒毒。孤根信微陋。生理有倚伏。
投斧爲賦詩。德怨聊相贖。

糴米

糴米買束薪。百物資之市。不緣耕樵得。飽食殊少味。再拜
請邦君。願受一塵地。知非笑昨夢。食力免內愧。春秧幾時
花。夏禪忽已穉。悵焉撫耒耜。誰復識此意。

過於海舶得邁寄書酒作詩遠和之皆粲然可觀子

由有書相慶也。因用其韻賦一篇，并寄諸子姪。
我似老牛鞭不動，雨滑泥深四蹄重。汝如黃犢走却來，海
澗山高百程送。庶幾門戶有八慈，不恨居鄰無二仲。他年
汝曹笏滿牀，中夜起舞踏破甕。會當洗眼看騰躍，莫指癡
腹笑空洞。譽兒雖是兩翁癖，積德已自三世種。豈惟萬一
許生還，尚恐九十煩珍從。六子晨耕簞瓢出，衆婦夜績燈
火共。春秋古史乃家法，詩筆離騷亦時用。但令文字還照
世，糞土腐餘安足夢。

上元夜過赴儋守召獨坐有感

戊寅歲

使君置酒莫相違，守舍何妨獨掩扉。靜看月窓盤蜴卧，
聞風幔落蚺蟻。燈花結盡吾猶夢，香篆消時汝欲歸。搔首
淒涼十年事，傳柑歸遺滿朝衣。

新居

朝陽入北林，竹樹散疎影。短籬尋丈間，寄我無窮境。舊居
無一席，逐客猶遭屏。結茅得茲地，翳翳村巷永。數朝風雨
涼，畦菊發新穎。俯仰可卒歲，何必謀二頃。

用過韻冬至與諸生飲酒

小酒生黎法，乾糟几盎中。芳辛知有毒，滴瀝取無窮。凍醴
寒初泮，春醅暖夏饒。華 兩樽合醉笑，一歡同。里閭峩山
北，田園震澤東。歸期那敢說，安訊不曾通。鶴鬣驚全白，犀
圍尚半紅。愁顏解符老，壽耳鬪吳翁。得穀鵝初飽，亡貓鼠
益豐。黃薑收土芋，蒼耳斫霜叢。兒瘦緣儲藥，奴肥爲種松。
頻頻非竊食，數數尚乘風。河伯方夸若，靈媧自舞馮。歸途
陷泥淖，炬火燎茅蓬。膝上王文度，家傳張長公。和詩仍醉

墨戲海亂羣鴻

符吳皆坐客其餘皆即事實錄也

縱筆

父老爭看烏角巾。應緣曾現宰官身。谿邊古路三叉口。獨立斜陽數過人。

北船不到米如珠。醉飽蕭條半月無。明日東家知祀竈。隻雞斗酒定贖吾。

被酒獨行徧至子雲威徽先覺四黎之舍二首

半醒半醉問諸黎。竹刺藤梢步步迷。但尋牛矢覓歸路。家在牛欄西復西。

總角黎家三小童。口吹葱葉送迎翁。莫作天涯萬里意。谿邊自有舞雩風。

庚辰歲人日作時聞黃河已復北流老臣舊數論此

今斯言乃驗

老去仍栖隔海村。夢中時見作詩孫。天涯已慣逢人日。歸路猶欣過鬼門。三策已應息賈讓。孤忠終未赦虞翻。典衣剝買河源米。屈指新筩作上元。

不用長愁挂月村。檳榔生子竹生孫。

海南勒竹每節生枝如竹竿大蓋竹孫也

新巢語燕還窺視。舊雨來人不閉門。春水蘆根看鶴立。夕陽楓葉見鴉翻。此生念念隨泡影。莫認家山作本元。

庚辰歲正月十二日天門冬酒熟予自漉之且漉且

嘗遂以大醉

自撥牀頭一甕云。幽人先已醉濃芬。天門冬熟新年喜。麴米春香並舍聞。杜子美詩云聞道雲安麴米春蓋酒名也菜圃漸疎花漠漠。竹扉斜掩雨紛紛。擁裘睡覺知何處。吹面東風散纈紋。

追和成寅歲上元

春鴻社燕巧相違。白鶴峰頭白板扉。石建方欣洗滌廁。姜
龐不解歎蟪蛄。一龕京口嗟春夢。萬炬錢塘憶夜歸。合浦
賣珠無復有。當年笑我泣牛衣。

汲江煎茶

活水還須活火烹。唐人云。茶須緩火多活火煎。自臨鈞石取深清。大瓢
貯月歸春甕。小杓分江入夜鉶。茶雨已翻煎處脚。松風忽
作瀉時聲。枯腸未易禁三盃。坐數荒村長短更。

澄邁驛通潮閣

餘生欲老海南村。帝遣巫陽招我魂。杳杳天低鵲沒處。青
山一髮是中原。

六月二十日夜渡海

參橫斗轉欲三更。苦雨終風也解晴。雲散月明誰點綴。天
容海色本澄清。空餘魯叟乘桴意。粗識軒轅奏樂聲。九死
南荒吾不恨。茲遊奇絕冠平生。

歐陽晦夫遺接離琴枕戲作此詩謝之

攜兒過嶺今七年。晚途更著衣冠。白頭穿林要藤帽。赤
脚渡水須花纒。不愁故人驚絕倒。但使俚俗相恬安。見君
合浦如夢寐。挽鬚握手俱沈瀾。妻縫接離霧縠細。兒送琴
枕冰徹寒。無絃且寄陶令意。倒載猶作山公看。我懷汝陰
六一老。眉宇秀發如春巒。羽衣鶴氅古仙伯。岌岌兩柱扶
霜紈。至今畫像作此服。凜如退之加渥丹。爾來前輩皆鬼
錄。我亦帶脫巾欹寬。作詩頗似六一語。往往亦帶梅翁酸。

送鮮于都曹歸蜀灌口舊居

箭盡霜鬚照碧銅。依然春雪在長松。朝行犀浦催收芋。夜
度繩橋看伏龍。莫歎倦游無駟馬。要將老健敵千鍾。子
三世惟身在。爲向西南說病容。

將至廣州用過韻寄邁迨二子

皇天遣出家。臨老乃學道。北歸爲兒子。破戒堪一笑。披雲
見天眼。回首失海潦。蠻唱與黎歌。餘音猶杳杳。大兒牧衆
穉。四歲守孤嶠。次于病學醫。三折乃粗曉。小兒耕且養。得
暇爲書繞。我亦困詩酒。去道愈茫渺。紛紛何時定。所至皆
可老。莫學柳儀曹。詩書教氓獠。亦莫事登陟。谿山有何好。
安居與我游。閉戶淨洒掃。

次韻韶倅季通直

一篇瀧吏可書紳。莫向長沮更問津。老去常憂伴新鬼。歸

來且喜是陳人。曾陪令尹蒼髯古。又見郎君白髮新。回首
天涯一惆悵。却登梅嶺望楓宸。

過嶺

暫著南冠不到頭。却隨北雁與歸休。平生不作兔三窟。今
古何殊貉一丘。當日無人送臨賀。至今有廟祀潮州。劔關
西望七千里。乘興真爲玉局游。

留題顯聖寺

渺渺疎林集晚鴉。孤村煙火梵王家。幽人自種千頭橘。遠
客來尋百結花。浮石已乾霜後水。焦坑閑試雨前茶。祇疑
歸夢西南去。翠竹江村縹白沙。

贈詩僧道通

雄豪而妙苦而腴。祇有琴聰與蜜殊。錢塘僧息聰。善角善
琴。後捨琴而學詩。復

葉詩而學道其詩似皎然而加雄放安州僧仲殊語帶煙
霞從古少李太白云他人之女如山無煙霞春無草木氣含蔬笋到公無謂無
香村乍喜聞蒼筤古井惟愁斷轆轤為報韓公莫輕許
從今島可是詩奴

雷州三首

粵嶺風俗殊有疾時勿藥東帶趨房祀用史巫紛若絃歌
薦爾粟奴至洽觴酌呻吟殊未已更把雞骨灼
粵女市無常所至輒成區一日三四遷處處售鰕魚青裙
脚不韞臭味猿與狙孰云風土惡白洲生綠珠
海康臘已酉不論冬孟仲殺牛撾鼓祭城郭為傾軋雖非
堯頒曆自我先人用苦笑荆楚人嘉平臘雲夢

次韻董夷仲茶磨

前人初用茗飲時煮之無問葉與骨寢窮厥味白始用復
計其初碾方出計盡功極至於磨信哉智者能創物破槽
折杵向墻角亦其遭遇有伸屈歲久講求知處所佳者出
自衡山窟巴蜀石工強鑄鑿理疎性軟良可吐予家江陵
遠莫致塵土何人為披拂

揚州以土物寄少游

鮮鯽經年秘醱醲團臍紫蟹脂填腹後春尊前活如酥先
社薑芽肥勝肉鳥子纍纍何足道點綴盤餐亦時欲淮南
風俗事鉗髻方法相傳竟留蓄且同千里寄鵝毛何用致
致飲麋鹿

再過泗上

眼明初見淮南樹十客相逢九吳語旅程已付夜帆風客

睡不妨背船雨。黃柑紫蟹見江海。紅稻白魚飽兒女。慙
買酒謝船師。千里勞君勤轉櫓。

夜泊牛口

日落江霧生。繫舟宿牛口。居民偶相聚。三四依古柳。負薪
出深谷。見客喜且售。煮蔬為夜餐。安識肉與酒。朔風吹茆
屋。破壁見星斗。兒女自吟憂。亦足樂且久。人生本無事。苦
為世味誘。富貴耀吾前。貧賤獨難守。誰知深山子。甘與麋
鹿友。置身落蠻荒。生意不自陋。今子獨何者。汲汲強奔走。

黃牛廟

江邊石壁高無路。上有黃牛不服箱。廟前行客拜且舞。擊
鼓吹簫屠白羊。山下耕牛苦磽确。兩角磨崖四蹄濕。青芻
半束長苦飢。仰看黃牛安可及。

渚宮

渚宮寂寞依古郢。楚地荒茫非故基。二王臺閣已鹵莽。東
王高氏。何況遠聞縱橫時。楚王獵罷擊靈鼓。猛士操舟張水
嬉。釣魚不復數魚鼈。大鼎千石蛟螭當。時郢人架宮殿。
意思絕妙般與倕。飛樓百尺照水。水上有燕趙千蛾眉。臨
風揚揚意自得。長使宋玉作楚詞。秦兵西來取鐘簫。故宮
禾黍秋離離。千年壯觀不可復。今之存者蓋已卑。池空野
迥樓閣小。惟有深竹藏狐狸。臺中絳帳誰復見。臺下野水
一作浮清漪。綠窓朱戶春晝閉。想見深屋彈朱絲。腐儒亦
解愛聲色。何用白首談孔姬。沙泉半涸草堂在。破窓無紙
風颼颼。陳公蹤跡最未遠。七瑞寥落今何之。百年人事知
幾變。直恐荒廢成空陂。誰能為我訪遺迹。草中應有湘東

碑

出峽

入峽喜巉崑。出峽愛平曠。吾心淡無累。遇境即安暢。東西
 徑千里。勝處頗屢訪。幽尋遠無厭。高絕每先上。前詩尚遺
 畧。不錄久恐忘。憶從巫廟回。中路寒泉漲。汲歸真可愛。翠
 碧光滿盃。忽驚巫峽尾。岩腹有穿壙。仰見天蒼蒼。石室開
 南嚮。宣尼古廟宇。叢木作幃帳。鐵楯橫半空。俯瞰不計丈。
 古人誰架構。下有不測浪。石甍見天囷。瓦棺悲古葬。新灘
 阻風雪。村落去攜杖。亦到龍馬溪。茆屋沾村釀。玉虛悔不
 至。實為舟人誑。聞道石最奇。寤寐見怪狀。峽山富奇偉。得
 一知幾喪。苦恨不知名。歷歷但想像。今朝脫重險。楚水渺
 平蕩。魚多客庖足。風順行意下。追思偶成篇。聊助舟人唱。

巫山

瞿塘迤邐盡。巫峽崢嶸起。連峰稍可怪。石色變蒼翠。天工
 運神巧。漸欲作奇偉。坱軋勢方深。結構意未遂。旁觀不暇
 瞬。步步造幽邃。蒼崖忽相逼。絕壁凜可悸。仰觀入九頂。俊
 爽凌顛氣。晃蕩天宇高。奔騰江水沸。孤超死不讓。直拔勇
 無畏。攀緣見神宇。憇坐就石位。巉巖隔江波。一一問廟吏。
 遙觀神女石。綽約誠有以。俯首見斜鬢。拖霞弄脩帔。人心
 隨物變。遠覺含深意。野老笑吾旁。少年嘗屢至。去隨猿猴
 上。反以繩索試。石笋倚孤峰。突兀殊不類。世人喜神怪。論
 說驚幼稚。楚賦亦虛傳。神仙安有是。次問掃壇竹。云此今
 尚爾。翠葉紛下垂。婆娑綠鳳尾。風來自偃仰。若為神物使。
 絕頂有三碑。詰曲古篆字。老人那解讀。偶見不能記。窮探

到峰背採。黃楊子。黃楊生石上。堅瘦紋如綺。貪心去不顧。澗谷千尋繩。山高虎狼絕。深入坦無忌。洪濛草樹密。葱蒨雲霞膩。石竇有洪泉。甘滑如流髓。終朝自盥漱。冷冽清心胃。浣衣挂樹稍。磨斧就石鼻。徘徊雲日晚。歸意念城市。不到今十年。衰老筋力憊。當時伐殘木。牙葉已如臂。忽聞老人說。終日爲嘆喟。神仙固有之。難在忘勢利。貧賤爾何愛。棄去如脫屣。嗟爾苦無還。絕糧應不死。

鮓魚行

漸臺人散長弓射。初噉鮓魚人未識。西陵衰老總帳空。肯向北河親饋食。兩雄一律盜漢家。嗜好亦若肩相差。食每對之先太息。不因噎嘔緣瘡痂。中間霸據關梁隔。一枚何啻千金直。百年南北鮓菜通。往往殘餘飽臧獲。東隨海船

號倭螺。異方珍寶來更多。磨沙淪瀋成大截。剖蚌作脯分餘波。君不聞蓬萊閣下馳碁島。八月邊風備胡獠。船舶跋浪鼉鼉震。長鏡鑿處崖谷倒。膳夫善治薦華堂。坐令雕俎生輝光。肉芝石耳不足數。醋茗魚皮真倚牆。中都貴人珍此味。糟浥油藏能遠致。割肥方厭萬錢厨。決昔可醒千日醉。三韓使者金鼎來。方奩饋送煩興臺。遼東太守遠自獻。臨菑掾吏誰爲材。吾生東歸收一斛。包苴未肯鑽華屋。分送羨材作眼明。却取細書防老讀。

寄周安孺茶

大哉天宇內。植物知幾族。靈品獨標奇。迥超凡草木。名從姬且始。漸播桐君錄。賦詠誰最先。厥傳惟杜育。唐人未知好。論著始於陸。常李亦清流。當年慕高躅。遂使天下士。嗜

此偶於俗豈但中土珍兼之異邦需鹿門有佳士博覽無
不矚邂逅天隨翁篇章互賡續開園頤山下屏迹松江曲
有興卽揮毫燦然存簡牘伊予素寡愛嗜好本不篤越自
少年時低回客京輶雖非曳裾者庇蔭或華屋頗見綺紈
中齒牙厭梁肉小龍得屢試糞土視珠玉團鳳與葵花砒
硃雜魚目貴人自矜惜捧玩且絨櫝未數日注甲定知雙
井辱於茲自研討至味識五六自爾入江湖尋僧訪幽獨
高人固多暇探究亦頗熟聞道早春時攜籬赴初旭驚雷
未破蕾采采不盈掬旋洗玉泉盃芳馨豈停宿須臾布輕
縷火候謹盈縮不憚頃間勞經時廢藏蓄髹筒淨無染箬
籠勻且複苦良梅潤侵暖須人氣煥有如剛耿性不受纖
芥觸又若廉夫心難將微穢瀆晴天敞虛府石碾破輕綠

永日遇閑賓乳泉發新馥香濃露色嫩欺秋菊閩俗
競傳誇豐腴面如粥自云葉家白頭勝中山酸好是一杯
深午窓春睡足清風擊兩腋去作鷓鴣嗟我樂何深水
經亦屢讀陸子咤中冷次乃康王八蠟培頃嘗甌罌走
僮僕如今老且懶細事百不欲笑語俱忘誰能強追逐
薑鹽拌白土稍稍從吾蜀尚欲外之體安能徇心腹由來
薄滋味日飯止脫粟外慕旣已矣三爲此羈束昨日散幽
步偶上天峰麓山圃正春風蒙茸旌旗簇呼兒爲佳客採
製聊亦復地僻誰我從包藏罽厨何嘗較優劣但喜破
睡速况此夏日長人間正炎毒幽人無一事午飯飽蔬菽
困卧北窓風風微動窓竹乳甌十盞滿八世真局促意爽
飄欲仙頭輕快如沐昔人固多癖善癖良可贖爲問劉伯

倫胡然枕糟麪

荊州六首

遊人出三峽。楚地盡平川。北客臨黃鬻。吳檣間蜀船。江侵平野斷。風捲白沙旋。欲問興亡意。重城自古堅。南方舊戰國。慘澹意猶存。慷慨因劉表。淒涼爲屈原。廢城猶帶井。古姓聚成村。亦解觀形勝。昇平不敢論。朱檻城東角。高王此望沙。江山非一國。烽火喪三巴。戰骨淪秋草。危樓倚斷霞。百年豪傑盡。覆篋見魚蝦。沙頭煙漠漠。來往厭喧卑。市中分麈鬮。宮旆過渡遲。遊人多問卜。僮叟盡攜龜。日暮江天靜。無人唱楚詞。殘曠多風雪。荆人重歲時。客心何草草。里巷自嬉嬉。爆竹驚鄰鬼。驅儼逐小兒。故人忘念我。一望蒼天涯。

江水深成窟。潛魚大似犀。赤鱗如琥珀。老枕勝玻璃。上客舉雕俎。佳人搖翠篋。登庖更作器。何以免屠割。

去歲與子野遊逍遙堂。日欲沒。因並西山叩羅浮道院。至已二鼓矣。遂宿于西堂。今歲索居僧耳子野復來相見。作詩贈之。

往歲追歡地。寒窓夢不成。笑談驚半夜。風雨暗長檠。雞鳴山椒曉。鐘鳴霜外聲。只今那復見。髮鬢似三生。

答子勉

君不登郎省。還應上諫坡。才高殊未識。歲晚幸無他。櫪馬羸難出。鄰雞凍不歌。寒爐餘幾火。灰裏撥陰何。

壺中九華詩

湖口人李正臣蓄異石九峰玲瓏宛轉若窓櫺然余欲

以百金買之與仇池石為偶方南遷未暇也名之曰壺
中九華且以詩識之

我家岷蜀最高峰一作法溪電夢裏猶驚翠掃空五嶺莫

愁千嶂外九華今在一壺中一作石泉影落涓涓

瀟玉女窓明處處通念我仇池太孤絕百金歸買小碧一作

玲瓏

過嶺寄子由

七年來往我何堪又試曹溪一勺甘夢裏似曾遷海外醉
中不覺到江南波生濯足鳴空澗霧遠征衣滴翠嵐誰遣
山雞忽驚起半岩花雨落毵毵

歌白塔舖

甘山廬阜鬱長望林隙依一作熹微漏日光吳國晚蠶初斷

葉占城早稻欲移秧迢迢澗水隨人急冉冉岩花撲馬香
望眼儘從窮一作窮飛鳥遠白雲深處是吾鄉

西蜀楊耆二十年前見之甚貧今見之亦貧所異於

昔者蒼顏華髮耳女無美惡富者妍士無賢不肖

貧者鄙使其逢時遇合豈減當世之士哉頃宿長

安驛舍聞泣者甚怨問之乃昔富而今貧者乃作

一詩今以贈楊君

孤村漸微一作雨逐秋涼逆旅愁人怨夜長不寐相看唯慳

馬愁吟悲歌互答有寒螿天寒滯穗猶橫畝歲晚空機尚

倚墻勸爾一杯聊復睡人聞貧富游茫茫

趙成伯家有姝麗僕忝鄉人不肯開樽徒吟春雪謹

依元韻以當一笑

繡簾朱戶未曾開。誰見梅花落鏡臺。試問高吟三十韻。俗
檢驗死秀才帶何如低唱兩三杯。世傳陶穀學士買得党
上有詩三十韻景但能於銷金暖帳下。淺應不識此妓日彼寵人安有此
雪木京團茶謂妓曰党家媿其莫嫌衰髯聊相映。須得纖腰與其回。知道文君隔青
言鎖梁園賦客敢言才。聊荅來句義取婦人而已罪過罪過

獄中寄子由二首

聖主如天萬物春。小臣愚暗自忘身。百年未滿先償債。十
口無歸更累人。是處青山可埋骨。他年夜雨獨傷神。與君
世世為兄弟。更結人間未了因。
栢臺霜氣夜淒淒。風動琅璫月向低。夢遶雲山心似鹿。魂
飛湯火命如雞。眼中犀角真吾子。身後牛衣愧老妻。百歲
神遊定何處。桐鄉知葬浙江西。獄中聞湖杭民為余作解

未邑葬桐鄉還角杜環事

出獄次前韻二首

百日歸期恰及春。殘生樂事最關身。出門便旋風吹面。走
馬聯翩鵲啣人。却對酒杯渾是夢。試拈詩筆已如神。此灾
何必深追咎。竊祿從來豈有因。

平生文字為吾累。此去聲名不厭低。塞上縱歸他日馬。城
中不鬪少年雞。休官彭澤貧無酒。隱几維摩病有妻。堪笑
睢陽老從事。為余投檄向江西。子由聞余下獄乞以官爵贖罪貶筠州監酒

次韻完夫再贈之什。某已卜居毗陵。與完夫有廬里
之約云。

柳絮飛時筍箨斑。風流二老對開關。雪芽我為求陽羨。乳
水君應餉惠山。竹簟水風眠晝永。玉堂制草落人間。應容

緩急煩閭里。桑柘聊同十畝閒。

惠州近城數小山。類蜀道春與進士許毅野步會意

處飲之且醉。作詩以記適。參寥專使欲歸使持此

以示西湖之上諸友。庶使知余未嘗一日忘湖山

也。

夕陽飛絮亂平蕪。萬里春前一酒盃。錢化雙魚沉遠素。劍

分二嶺隔中區。花曾識面香仍好。鳥不知名聲自呼。夢想

平生消未盡。滿林煙月到西湖。

往年宿瓜步。夢中得小詩。錄示民師。

吳塞蒹葭空碧海。隋宮楊柳只金堤。春風自恨無情水。吹

得東流竟日西。

僕年二十九在潤州道上過除夜作此詩。又二十年

在惠州錄之以付過。

寺官官小未朝參。紅日半窓春睡酣。為報鄰雞莫驚覺。更

容殘夢到江南。

釣艇歸時菖葉雨。縹車鳴處棟花風。長江昔日經遊地。盡

在如今夢寐中。

送柳宜歸

折脚鐺邊煨淡粥。曲枝桑下飲離杯。書生不是南遷客。魑

魅驚人須早回。

寒具

乃拾頭出劉禹錫佳語

纖手搓來玉數尋。碧油輕蘸嫩黃深。夜來春睡濃於酒。壓

褊佳人纏臂金。

劉監倉家煎米粉作餅子。余云為甚酥。潘邠老家造

透巡酒余飲之莫作醋錯着水來否後數日余攜家飲郊外因作小詩戲劉公求之二首

一杯連坐兩鬢基數片深紅入座飛十分激灑君休訴且看桃花好面皮

唐詩云未有桃花面皮先作杏子眼孔

野飲花間百物無杖頭惟挂一葫蘆已傾潘子錯著水更覓君家為甚酥

絕句

柴桑春晚息依依屋角鳴鳩雨欲飛昨日已收寒食火吹花風起却添衣

書辨才白雲堂壁

不辭清曉叩松扉却值支公久不歸山鳥不鳴天欲雪卷簾惟見白雲飛

和時運四首

丁丑二月十四日白鶴峰新居成一日嘉祐寺遷入詠淵明時運詩云斯晨斯夕言息其廬以為余發也乃次其韻長子邁與余別三年矣挈攜諸孫萬里遠至老朽憂患之餘不能無欣然

我卜我居居非一朝龜不我欺食此江郊廢井已塞喬木干霄昔人伊何誰其裔苗

下有碧潭可飲可濯江山千里供我遐矚木固無脛瓦豈有是陶匠自至嘯歌相樂

我視此邦如沫如沂邦人勸我老矣安歸自我幽獨倚門或揮豈無親友雲散莫追

旦朝丁丁誰歛我廬子孫遠至笑語紛如翦髮垂髻一作剪髮

登覆此鉢蓋三年一夢乃復見余

和勸農六首

海南多荒田俗以買香爲業所產稅稌不足於食乃以
藜芋雜米作粥糜以取飽余既哀之乃和淵明勸農詩
以告其有知者

咨爾漢黎均是一民鄙夷不訓夫豈其真怨忿劫質尋戈
相因欺謾莫訴曲自我人

天禍爾土不麥不稷民無用物怪珍是殖播厥薰木腐餘
是穡貪夫汚吏鷹鷂狼食

豈無良田膻膻平陸獸蹤交結鳥喙諧穆驚磨朝射猛狝
夜逐芋蕘藟糜以飽耆宿

聽我苦言其福永久利爾耜耜好爾鄰佃斬艾蓬藿南東

其畝父兄指擬以扶遊手

天不假易亦不汝遺春無遺勤秋有厚冀雲舉雨沃婦姑
畢至我良孝愛袒跣何愧

逸藁戲侮博奕頑鄙投之生黎俾勿冠履霜降稻實千箱
一軌大作爾社一醉醇美

和歸田園居三首

環州多白水際海皆蒼山以彼無盡景寓我有限年東家
著孔丘西家著顏淵市爲不二價農爲不爭田周公與管
蔡恨不節三閭我飽一飯足薇蕨補食前門生餽薪米救
我厨無煙斗酒與隻雞酣歌饒華顛禽魚豈知道我適物
自閑悠悠何必爾聊樂我所然

窮猿旣投林疲馬初解鞅心空飽新得境熟夢餘想江鷗

漸馴集。羣叟已還往。南池綠錢生。北嶺紫筍長。提壺豈解飲。好語時見廣。春江有佳句。我醉墮渺莽。

老人八十餘。不識城市娛。造物偶遺漏。同儕盡丘墟。平生不渡江。水北有幽居。手插荔枝子。合抱三百株。莫言陳家紫。甘冷恐不如。君來坐樹下。飽食攜其餘。歸舍遺兒子。懷抱不可虛。有酒持飲我。不問錢有無。

與殷晉安別

和送昌化軍使張中罷官赴闕

孤生知永棄。末路嗟長勤。久安僂耳陋。日與雕題親。海國此奇士。官居我東鄰。卯酒無虛日。夜碁有達晨。小甕多自釀。一瓢時見分。仍將對牀夢。伴我五更春。暫聚水上萍。忽散風中雲。恐無再見日。笑談來生因。空吟滯詩送。不救歸裝貧。

和王撫軍座送客

再送張仲

曾中有佳處。海瘴不能崩。三年無所愧。十口今同歸。汝去莫相憐。我生本無依。相從大塊中。幾合幾分違。莫作往來相。而生愛見悲。悠悠含山日。炯炯留清暉。懸知冬夜長。不恨晨光遲。夢中無與別。作詩記忘遺。

形贈影

天地有常運。日月無閑時。孰居無事中。作止推行之。細察我與汝。相因以成茲。忽然乘物化。豈與生滅期。夢時我方寂。偃然無所息。胡爲有哀樂。輒復隨漣沍。我舞汝凌亂。相應不少疑。還將醉時語。答我夢中辭。

影答形

丹青寫君容。常恐畫師拙。我依月燈出。相肖兩奇絕。妍媸

本在君。我豈相媚悅。君如火上煙。火盡君乃別。我如鏡中像。鏡壞我不滅。雖云附陰晴。了不受寒熱。無心但因物。萬變君有竭。醉醒皆夢爾。未用議優劣。

神釋

二子本無我。其初因物著。豈惟老變衰。念念不如故。知君非金石。安足長託附。莫從老君言。亦莫用佛語。仙山與佛國。終恐無是處。其欲隨陶翁。移家酒中住。醉醒要有盡。未易逃諸數。平生逐兒戲。處處餘作具。所至人聚觀。指目生毀譽。如今一弄火。好惡都焚去。既無負載勞。又無寇攘懼。仲尼晚乃覺。天下何思慮。

怨詩楚調示龐主簿鄧治中

當歡有餘樂。在戚亦頽然。淵明待此理。安處故有年。嗟我與先生。所賦良奇偏。人間少宜適。惟有歸耘田。我昔墮軒冕。毫釐真市廛。因來臥重裯。憂愧自不眠。如今破茅屋。一夕或三遷。風雨睡不知。黃葉滿枕前。寧當出怨句。慘慘如孤煙。但恨不早悟。猶推淵明賢。

和移居二首

余去歲三月自水東嘉祐寺遷居合江樓。迄今一年多。病寡歡。頗懷水東之樂也。得歸善縣後隙地數畝。父老云古白鶴觀也。意欣然欲居之。乃和此詩。

昔我初來時。水東有幽宅。晨與烏鵲朝。暮與牛羊夕。誰令遷近市。日有造請役。歌呼雜閭巷。鼓角鳴枕席。出門無所詣。樂事非宿昔。病瘦獨彌年。束薪誰與析。

涸潭轉碕岸。我作江郊詩。今爲一屨氓。此地乃得之。葺爲

無邪齋。息我無所息。古觀廢已久。白鶴歸何時。我豈丁令威。千歲復還茲。江山朝福地。古人不吾欺。

歲暮作和張常侍

十二月二十五日酒盡取米。欲釀米亦竭。時吳遠遊陸道士客於余。因讀淵明歲暮。和張侍常亦以無酒為歎。

乃用其韻贈二子

我生有天祿。玄膺流玉泉。何事陶彭澤。乏酒每形言。仙人與道士。自養豈在繁。但使荆棘除。不憂梨棗愆。我年六十。一顏景薄。西山歲暮似有得。稍覺散亡還。有如千丈松。常苦弱蔓纏。養我歲寒枝。曾有解脫年。米盡初不知。但怪飢鼠遷。二子真我客。不醉亦陶然。

和郭士簡

今日復何日。高槐布初陰。良辰非虛名。清和盈我襟。孺子卷書坐。誦詩如鼓琴。却念四十年。玉顏如汝。今閉戶未嘗出。出為鄰里欽。家世事酌古。百史手自斟。當年二老人。喜我作此音。淮德入我夢。角羈未勝簪。孺子笑問我。君何念之深。

和連雨獨飲

平生我與爾。舉意輒相然。豈止磁石鍼。雖合猶有間。此外一子由。出處同偏僂。晚景最可惜。分飛海南天。糾纏一作不吾欺。寧此憂患先。顧影一盃酒。誰謂無往還。寄語海北人。今日為何年。醉裏有獨覺。夢中無雜言。

和贈羊長史

得鄭會嘉靖老書欲於海舶載。書千餘卷見借。因讀淵

明贈羊長史詩云。愚生三季後。慨然念黃虞。得知千載事。上賴古人書。次其韻以謝鄭君。

我非皇甫謐。門人如犖虞。不特兩鷗酒。肯借一車書。欲令海外士。觀經似鴻都。結髮事文史。俯仰六十踰。老馬不耐放。長鳴息服輿。故知根塵在。未免病藥俱。念君千里志。歷塊猶踟躕。好學真伯業。比肩可相如。此書久已熟。救我今荒蕪。願慙桑榆迫。豈厭詩酒娛。泰賦病未能。草玄老更疎。猶當距楊墨。稍欲懲荆舒。

游斜川和正月五日與兒子過出游作

謫居澹無事。何異老且休。雖過晴節年。未失斜川游。春江淥未波。人卧船自流。我本無所適。泛泛隨鷗鷗。中流遇洑澗。捨舟步曾丘。有口可與飲。何必逢我儔。過子詩似翁。我

唱兒輒酬。未知陶彭澤。頗有此樂不。問黜爾何如。不與聖同憂。問翁何所笑。不為由與求。

和癸卯歲始春懷古田舍

茆茨破不補。嗟子乃爾貧。菜肥人愈瘦。竈閑井常勤。我欲致薄少。解衣勸坐人。臨池作虛堂。雨急瓦聲新。客來有美載。果熟多幽欣。丹荔破玉膚。黃柑溢芳津。借我三畝地。結茆爲子鄰。鳩舌儻可學。化爲黎母民。

和飲酒五首

道喪士失已。出語輒不情。江左風流人。醉中亦求名。淵明獨清真。談笑得此生。身如受風竹。掩冉衆葉驚。俯仰各有態。得酒詩自成。

蠶蠕食葉蟲。仰空慕高飛。一朝備兩翅。乃得粘網悲。啾啾

厭巢雀。沮澤疑可依。赴水生兩殼。遭閉何時歸。二蟲竟誰
是一笑。百念衰。幸此未化間。有酒君莫違。
籃輿兀醉守。路轉古城隅。酒力如過雨。清風消半途。前山
正可數。後騎且勿驅。我緣在東南。往寄白髮餘。遙知萬松
嶺。下有三畝居。

我夢入小學。自謂總角時。不記有白髮。猶誦論語辭。人間
本兒戲。顛倒略似茲。惟有醉時真。空洞了無疑。墜車終無
傷。莊叟不吾欺。呼兒具紙筆。醉語輒錄之。

曉曉六男子。絃誦各一經。復生五丈夫。戢戢丁欲成。歸田
了門戶。與國充踐更。普兒初學語。玉骨開天庭。淮老如鶴
雛。破殼已能鳴。舉酒屬千里。一歡愧凡情。

和止酒

丁丑歲余謫海南。子由亦貶雷州。五月十一日相遇於
藤。同行至雷。六月十一日相別渡海。余時病疔。呻吟子
由亦終夕不寐。因誦淵明詩。勸余止酒。乃和元韻。因以
贈別。庶幾真止矣。

時來與物逝。路窮非我止。與子各意行。同落百蠻裏。蕭然
兩別駕。各攜一稚子。子室有孟光。我室惟法喜。相逢山谷
間。一月同卧起。茫茫海南北。粗亦足生理。勸我師淵明。力
薄且爲已。微痾坐杯勺。止酒則瘳矣。望道雖未濟。隱約見
津涘。從今東坡室。不立杜康祀。

還舊居和夢歸惠州白鶴山居作

痿人常念起。夫我豈忘歸。不敢夢故山。恐興墳墓悲。生世
本暫寓。此身念念非。鵝城亦何有。偶拾鶴毳遺。窮魚守故

沼聚沫猶相依。大兒當門戶。時節供丁推。夢與鄰翁言。憫
默憐我衰。往來付造物。未用相招麾。

和庚戌歲九月中於西田穫早稻

蓬頭二獠奴。誰謂愿且端。晨興洒掃罷。飽食不自安。願治
此圃畦。少資主游觀。晝功不自覺。夜氣乃潛還。早莖欲爭
春。晚松先破寒。人間無正味。美好出艱難。早知農圃樂。豈
有非意干。尚恨不持鉏。未免駢我顏。此心苟未降。何適不
間關。休去復歇去。菜食何所歎。

和丙辰歲八月中於下潞田舍穫

聚糞西垣下。鑿泉東垣隈。勞辱何時休。宴安不可懷。天公
豈相喜。雨霽與意諧。黃菘養土羔。老楮斲雞柴。不忍便烹
煮。繞觀日百迴。跨海得遠信。水盤鳴玉哀。直陳黠贈縷。照

坐如花開。一與蠶叟醉。蒼顏兩摧頽。齒根日浮動。自與梁
肉乖。食菜豈不足。一作呼兒拆雞桮

和乙巳歲三月為建威參軍使都經錢溪

喬木卷蒼藤。浩浩崩雲積。謝家堂前燕。對語悲宿昔。仰看
桃榔樹。玄鶴舞長翮。新年結荔子。主人黃壤隔。谿陰宜館
我。稍省薪水役。相如賣車騎。五畝亦可易。但恐鵬鳥來。此
生還蕩析。誰能插籬槿。護此殘竹栢。和游城北謝氏廢園

辛丑七月赴假還江陵夜行途中作口號和郊行步

缺月不早出。長林踏青冥。犬吠主人怒。愧此闕里情。怪我
夜不歸。滿袂窺紫荊。雲間與地上。待我兩友生。驚鳴再三
起。樹端已微明。白露淨原野。始覺丘陵平。暗蛩方夜績。孤
螢亦宵征。歸來閉戶坐。寸田且默耕。莫赴花月期。免為詩

酒縈詩人如布穀。聒聒常自名。

和雜詩二首

斜日照孤隙。始知空有塵。微風動衆竅。誰信我忘身。一笑問兒子。與汝定何親。從我來海南。幽絕無四鄰。耿耿如缺月。獨與長庚晨。此道固應爾。不當怨尤人。

故山不可到。飛夢隔五嶺。真游有黃庭。閉目寓兩景。室空無可照。火滅膏自冷。披衣起視夜。海濶河漢永。西窓半明月。散亂梧楸影。良辰不可繫。逝水無留騁。我苗期後枯。持此一念靜。

和擬古四首

有客叩我門。繫馬門前柳。庭空鳥雀散。爾客立久。主人枕書卧。夢我平生友。忽聞剝啄聲。驚散一杯酒。倒裳起謝。

客夢覺兩槐。負坐談雜今古。不答顏愈厚。問我何處來。我來無何有。

客去室幽幽。鵬鳥來坐隅。引吭伸兩翮。太息意不舒。吾生如寄耳。何者爲我廬。去此復何之。少安與汝居。夜中間長嘯。月露荒榛蕪。無問亦無答。吉凶兩何如。

少年好遠遊。蕩志隘八荒。九爲藩籬。四海環我堂。盧生與若士。何足期杳茫。稍喜海南州。自古無戰場。奇峰望黎母。何異嵩與邛。飛泉瀉萬仞。舞鶴雙低昂。分杯未入海。膏澤彌此方。芋魁儻可飽。無肉亦奚傷。

黎山有幽子。形槁神獨完。負薪入城市。笑我儒衣冠。生不聞詩書。豈知有孔顏。翛然獨往來。榮辱未易關。日暮鳥獸散。家在孤雲端。問答了不通。歎息指屢彈。似言君貴人。草

莽栖龍鸞遺我吉貝布海風今歲寒

和桃花源詩

世傳桃源事多過其實。攷淵明所記止言先世避秦亂來此。則漁人所見。似是其子孫。非秦人。不死者也。又云殺雞作食。豈有仙而殺者乎。舊說南陽有菊水。水甘而芳。民居三十餘家。飲其水皆壽。或至百二三十歲。蜀青城山老人村。有見五世孫者。道極險遠。生不識鹽醢。而溪中多枸杞。根如龍蛇。飲其水故壽。近歲道稍通。漸能致五味。而壽亦益衰。桃源蓋此比也。歟。使武陵太守得而至焉。則已化爲爭奪之場久矣。嘗意天壤之間。若此者甚衆。不獨桃源。余在潁州。夢至一山。時有人物與俗間無異。而山川清遠。有足樂者。顧視堂上。榜曰仇池。覺而

念之。仇池武都氏故地。楊難當所保。余何爲居之。明日以問客。客有趙令時。德麟者。曰公何爲問此。此乃福地。小有洞天。之附庸也。杜子美蓋云萬古仇池穴。潛通小有天。神魚人不見。福地語真傳。近接西南境。長懷十九泉。何時一葺屋。送老白雲邊。他日工部侍郎王欽臣。仲至謂余曰。吾嘗奉使過仇池。有九十九泉。萬山環之。可以避世如桃源也。

凡聖無異。尾清濁。其此世心閑。偶自見。念起忽已逝。欲知真一處。要使六用廢。桃源信不遠。藜杖可小憇。躬耕任地力。絕學抱天藝。臂雞有時鳴。尻駕無可稅。苓龜亦晨吸。祀狗或夜吠。耘樵得甘芳。齧齧謝炮製。子驥雖形隔。淵明已心詣。高山不難越。淺水何足厲。不知我仇池。高舉復幾歲。

東坡詩集
從來一生死。近又等癡慧。蒲澗安期境。在廣羅浮稚川亦
夢往從之遊。神交發吾蔽。桃花滿庭下。流水在戶外。却笑
逃秦人。有畏非真契。

和劉柴桑

萬劫互起滅。百年一踟躕。漂流四十年。今乃言卜居。且喜
天壤間。一席亦吾廬。稍理蘭桂藂。盡平狐兔墟。黃鸝出舊
枿。紫茗抽新畬。我本早衰人。不謂老更劬。邦君助畚鍤。鄰
里通有無。竹屋從低溪。山窓自明珠。一飽便終日。高眠忘
百須。自笑四壁空。無妻老相如。

